


EAST ASIAN LIBRARY.  
RM 8049 ROBARTS LIBRARY  
UNIVERSITY OF TORONTO  
TORONTO, CANADA M5S 1A5

艶

DS  
734  
.7  
C523  
v.5









艶

無



廿一史約編

吳興鄭元慶正睦述

男惟鞠恃何

編次

徐秋萼蘭仲

烏程沈一揆存田

較閱

潘世泰彙征

叅訂

歸安沈愷曾樂存

下飛熊廣勤

唐書全目 正史

本紀十

高祖

太宗

高宗

武后中宗

全目

鮑文會



高宗

海島中宗

高麗

太宗

本縣十

書全目

五史

諡安

武對會樂亦

傳閱

不乘論黃樓

祭信

魚野

於一姓亦田

謝世泰氣五

吳興

漢元惠莊五

並

徐承葉蘭軒

蘇天

民對韓對河

廿一史餘編



孫賓四

孫法

此襲四

孫舉二

表天文三

正行三

車銀三

習六

甄樂十二

謝壽世系五

志正十百五十

魏宗八

寶后 天武后

魏宗哀帝

徐賢妃 王后

魏宗則宗惠宗

后 昭

魏宗德宗文宗宣宗

魏宗元宗

章敬后 后

魏宗外宗

王后 王后



睿宗元宗

肅宗代宗

德宗順宗憲宗

穆宗敬宗文宗武宗宣宗

懿宗僖宗

昭宗哀帝

志五十

禮樂十二

儀衛

車服

曆六

天文三

五行三

地理七

選舉二

百官四

兵



食貨 五

刑法

藝文 四

表十五

宰相 三

方鎮 六

宗室世系

宰相世系 五

列傳一百五十

后妃

太穆寶后 文德長孫后 徐賢妃 王后  
則天武后 和思趙后 韋后上官昭容

肅明劉后

昭成寶后

主后

貞順武

后

元獻楊后

楊貴妃

后妃

張后 章敬吳后 貞懿獨孤后 睿真沈  
昭德王后 韋賢妃 莊憲王后 懿安

全同

匏



郭太后 孝明鄭太后 恭僖王太后 貞

獻蕭太后 宣懿章太后 郭貴妃 王賢

妃 元昭 惠安王太后

郭淑妃 恭憲王太后 何后

宗室

江夏王道宗 廣寧縣公道興 永安王孝基

淮陽王道元 漢長平王叔良 鄒國公

孝懷 彭國公思訓 新興郡王晉 長樂王幼

良 襄武王琛 河間王孝恭 晦 漢陽王

瓌 廬江王瑗 淮安王神通 膠東王道彥

梁郡公孝逸 國貞 壽說 齊物 復 襄邑王神

符從晦 隴西公博父

高祖廿二子

隱太子建成 衛王元霸 巢王元

吉 楚王智雲 荆王元景 漢王

元昌 鄭王元亨 周王元方 徐

王元禮 韓王元嘉 彭王元則

鄭王元懿 霍王元軌 虢王鳳

道王元慶 鄧王元裕 尉王元名



魯王靈夢 江王元祥

密王元曉 滕王元嬰

太宗九子

常山王承乾 鬱林王恪 漢王泰

庶人祐 蜀王愔 蔣王暉 越王貞

紀王慎

三宗諸子

燕王忠 澤王上金 許王素節 哀

信王 考敬皇帝弘 章懷太子賢

俱高宗子 懿德太子重潤 譙王重

福 節愍太子重俊 俱中宗子 讓皇

帝憲 惠莊太子揭 惠文太子範

惠宣太子業 俱睿宗子

十二宗諸子

奉天皇帝琮 太子瑛 棣王琰

鄂王瑤 靖共太子琬 光王琚

穎王璵 永王璘 壽王瑁 延王

玢 盛王琦 豐王珙 汴王瓌 俱

元宗子 越王係 承天皇帝倓

彭王儼 襄王 恭懿太子恪 俱



睦王述俱

虞王

諫俱德宗

惠昭太子

建王格俱意

安王溶與穆

陳王成美俱

文宗子

1

商

德宗十一

穆宗八

宣宗十

昭宗十一

單雄信  
祖君彥



王世充竇建德

薛舉

子仁

李軌劉武周高開道劉黑闥

徐國

蕭詵輔公祏沈法興李子通

朱榮林士弘張善安

梁師都

劉季

真

劉文静裴寂

趙文恪李思行李高遷姜寶誼許世緒劉師立劉義範錢九隴樊興公孫

武達龐卿惲張長遜張平高李安遠馬三寶李孟嘗元仲文秦行師

屈突通尉遲敬德張公謹

大

秦瓊唐儉

憲次扶段持彥謙

志元

文昌成式

劉弘基殷開山劉政會

奇崇望崇邕崇魯

許紹

匡師欽

程



唐

知節柴紹任瓌丘和行恭

溫大雅

彥博大有信造

皇甫無逸李襲志

襲譽姜暮

行本咬

慶初晦

崔善為李嗣真

杜伏威

闕稜王雄誕

張士貴李子和苑君璋羅藝王君

郭

李靖

客師令問彦芳

李勣

敬業思文

侯君集張亮薛萬均

萬徹萬備盛彥師盧祖尚劉世讓劉蘭李君美

高儉

履行真行重

竇威

軌琮抗靜誕璉德元

房元齡

遺愛杜如晦

楚客淹元損



魏徵謚

王珪謚 薛收元超元敬 馬周載 韋挺待價武

李綱安仁 李大亮道裕 戴胄至 劉洎樂彥 崔仁師

湜湜 澄

陳叔達 楊恭仁思訓師 封倫 裴矩 宇文士及 鄭善

果元 權萬紀懷 閻立德立 蔣儼 韋弘機岳 姜師

度強 張知謇

蕭瑀鈞嗣業 蕭華後

岑文本義長倩 虞世南 李百藥安 褚亮劉孝孫 李



素姚思廉班合狐德蔡岷鄧世隆顧

蘇世長良嗣韋雲起方孫伏伽張元素

于志寧休烈敖宗高季輔張行成易之

長孫無忌敬操詮順德褚遂良諤韓瑗來濟恒李義琰

巢義上官儀

杜正倫求仁崔知溫知高智周石仲郭正一趙弘

智來崔敦禮楊弘禮弘武元禮盧承慶齊劉祥道

齊賢從一李敬元元劉德威審禮延景孫處約仝那

文倬高子



傅奕呂才方陳子昂王趙元

劉仁曉裴行儉光廷裴均裴師德

崔義元神基神慶琳楊再思季竇懷貞苑宗楚客晉卿紀處

訥祝欽明郭山王嶼

諸夸蕃將史大奈馮盎阿史那社余執失李謹

行尉遲勝泉男生李多祚論弓仁

郭孝恪張儉延王芳翼珣蘇定方薛仁貴訥程務

挺王孝傑唐休璟張仁愿張敬王峻

王義方員半千石抱韓思彥苑蘇安恒薛登王求



唐

禮柳澤範馬元常元蔣欽緒沈

唐臨咬張文瓘文琮錫徐有功商彥

崔融從能慎由徐彥伯蘇味道豆盧欽望史務滋

周元

狄仁傑光嗣郝處俊象朱敬則仁

王綝仙遂韋思謙承慶嗣立陸元方象先景倩景融希聲餘慶

王及善李日知杜景佺李懷遠景伯

裴炎仙劉緯之郭魏元同怡李昭德吉項

張延珪韋湊見素諤顓知韓思復朝宗宋務光呂



泰辛替石李渤裴潯張李中敏款

武平一李父賈會至白居易行簡

桓彥範盧襲秀薛季昶敬暉崔元暉洪繼張柬之

袁恕已高

劉幽求鍾紹京崔日用口王珣張王毛仲李守德

魏元忠韋安石阮統叔郭震

李嶠蕭至忠盧藏用韋巨源趙彥昭和逢

姚崇爽合宋璟渾

蘇瓌頌詵張說均

全目

七

範文會



唐

魏知古、羅懷慎

李元紘、杜暹

張九齡、方、仲韓

休

洪、混、

張嘉貞

延賞、弘靖、文

源乾曜

光裕

裴耀卿

信

蘇珣

晉

尹思貞、畢構

羽

李傑、鄭惟忠、王志愔、許景

先、潘好禮、倪若水、席豫、齊澣

抗

裴守真

子餘

崔沔、盧從愿、李朝隱、王丘、嚴挺之

武

澈

裴灌

寬、諡

陽嶠、宋慶禮、楊場、崔隱甫、李尚隱、解琬

宗室宰相

適之

峴

勉

李簡

程、廓

石

福



劉子元

祝滋敦儒鍊贊廻秩迅

吳兢韋述蔣父

係曙柳芳登

冕

沈既濟

傳師詢

郭虔瓘郭知運

英傑英父

王君奭張守珪

獻誠獻恭

王

忠嗣牛仙客

宇文融韋堅楊慎矜王鉉

盧鉉

哥舒翰

曜

高仙芝封常清

李光弼

彙光進荔非元禮郝廷玉李國臣白孝德張伯儀白元光陳利貞侯仲莊柏良器烏

承

毗

郭子儀

曜晞承叔暖釗鏌錯曙幼明昕

李嗣業、馬璘、李抱玉、路嗣恭、應

房琯、孺復張鎰、李泌、繁

崔圓、苗晉卿、裴冕、裴遵卿、向呂諲

崔光遠、鄧景山、崔魏少游、衛伯玉、李涪、克韓全義

盧從史、高霞寓、

李麟、楊綰、崔祐甫、慎鄭渾、識韋處厚、路隋、

高適、元結、李承韋、倫、薛珣、有崔漢衡、戴叔倫、王翃

正雅、翊徐申、鄒士美、辛祕、

來填、裴田神功、神侯希逸、崔寧、堯嚴礪



元載卓英麟王縉黎楊炎庾嚴郢寶參申吳

李棲筠吉甫李鄘德修

王恩禮魯炅王難得用辛雲京京呆馮河清姚李

芄李叔明鼻曲環王虔休盧羣李元素盧士政

令狐彰建張孝忠茂忠茂昭裴康日知志睦李洎

劉澶田弘正布王承元牛元翼傅良弼史孝章

劉晏濛暹潼元秀包佶盧徵李若初于頔第五琦班宏王紹李昊

李揆常衮趙憬崔造齊映盧邁

關播李元董晉溪陸長源袁滋趙宗儒寶易直

唐

張鎰姜公輔武元衡

儒

李絳

章

宋申錫

段秀實

伯倫、農、文楚、珂、劉海賓

顏真卿

李晟

愿、憲、愬、聽、玢、王伋

馬燧

暢、炫、渾、城、鎬

楊朝晟、戴休顏、陽惠元

晏

李元諒、李觀、韓游瓌、杜

希全、邢君牙

陸贄

韋臯

率、正、賁、劉、闢

張建封

指

嚴震

謨

韓弘

公、武、元

鮑防

李白、良、蕭、元、薛、播、樊、澤、師

王緯、吳湊

士、鄭、權



陸互盧坦閼濟美柳晟崔戎淮

徐浩呂渭恭溫孟簡劉伯芻寬夫楊憑梁敬潘孟陽九章

崔元略鉉沆元韋綬式道從

張薦讀趙涓博李紆鄭雲逵徐岱王仲舒馮伋虞

敬休

姚南仲獨孤及明郁顧少連韋夏卿段平仲呂

元膺許孟容季薛存誠廷李遜方元  
同  
老  
建訥

孔巢父鄭緯穆寧贊質崔邠鄆柳公綽仲  
敢溫業  
員  
郭  
美珪

壁玳公楊於陵馬總權子華

唐

歸崇敬

登融

奚陟、崔衍、盧景亮

王源中

薛萃

唐

衛次公

洙

薛戎

放

胡證、丁公著、崔弘禮、崔元亮、王質、殷

侑

盈孫

王彥威

鄭餘慶

潯處謫從黨

鄭珣瑜

單喬縑朗

高郢

定

鄭絀

顯權德

輿

璩

崔羣

賈耽、杜佑

式方綜、孫休、昭、牧、頌

令狐楚

緒、綢、高、定

白志貞、裴延齡、崔損、韋渠牟、李齊運、李實、皇甫鏐

鏞

王播

起、龜

韋執誼、王叔文

王伾、韓昇、陳諫、凌、準、韓、泰

陸質、劉禹錫、柳宗元



程昇

杜黃裳

勝

裴均、李藩、韋貫之

與綬、溫、蕭祐

高崇文

承簡

伊慎、朱忠亮、劉呂喬、范希朝、王鏐

穆孟

元陽王棲曜

茂元

劉昌

士元

趙昌

李景略、任廸簡、張

萬福、高固

郝玘、更敬奉、野詩、良輔

李光進

光顏

烏重胤

石洪、李琪

王沛

逢

楊元卿

延宗

曹華高

瑀、劉沔、石雄

于頔

季友

王智興

晏平、宰

杜兼

羔中、立

杜亞、范傳正

裴度

識、諗

李逢吉元稹牛僧孺蔚微李宗閔楊嗣復授張

竇羣常牟劉棲楚張又新楊虞卿漢公張宿熊望

栢耆

韓愈孟郊張籍皇甫湜

錢徽珣崔咸韋表微高鉞湜銖馬宿定李虞仲李

翱盧簡辭知猷弘止高元裕少逸封敖鄭薰敬

晦韋博李景讓景

劉蕡

李訓鄭注王涯賈餗舒元興王璠郭行餘韓約

立言李孝本



師邑李

貞素

李德裕

華延古崔暇丁柔立

陳夸行李紳李讓夸曹確劉瞻助李蔚

李固言李珣崔珙

涓瑄澹遠

蕭鄴鄭肅

仁表盧商

盧均簡章

琮周墀裴休劉瑑

夏侯孜

趙隱裴坦贊鄭延昌王

溥盧光啓

韋貽範

畢誠崔彥昭劉鄴

豆盧瑑

陸辰鄭榮朱樸

孫倓韓倓儀

馬植楊收

發嚴涉

路岩

韋保衡

盧攜

鄭畋王鐸

錄

王徽韋昭度張濬

周寶王處存

郃

邵處訥

雷

陳儒劉巨容

馮行襲

趙德

誣

匪

楊守亮楊晟顧彥朗

玄

王重榮

珙

諸葛爽李罕之王敬武

師

孟方立

憲

楊行密時溥朱宣孫儒

高仁厚

趙繼

昶

田頌朱延壽

劉建鋒成汭杜洪鍾傳劉漢宏張雄王潮

審

劉知

謙

盧光稠

忠義

夏侯端

劉感

常達

敬君弘謝叔方

呂子臧

馬元規

王行敏

盧士敏李元通

羅士信

張道源楚金

李育德李公逸張

善相

高叔仲舒

安金藏

王同安替司



張介然崔無諛 李澄源 盧奕元輔

忠義

顏杲卿春卿 賈循隱林 張巡

忠義

程千里袁光廷 龐堅薛愿 張興 蔡廷

符令奇璘 劉廷 孟莘 張臣 周

曾 張名振 石演芬 吳淑 高沐

卓行

元德秀李粦 權皋 甄濟

孝友

李知本 張志寬 劉君良 王少元 任

敬臣 支叔才 程袁師 武弘度 宋思

禮 鄭潛曜 元讓 裴敬葵 梁文貞 張

沈季詮 許伯會 陳集原 陸南金

琇 侯知道程俱羅 許法慎 林贊

隱逸

陳饒奴 王博武 萬敬儒 章全益

王績 孟詵 朱桃推 孫思邈 田游巖史德義

王友貞 王希夸 李元愷 衛

大經 武攸緒 白履忠 盧鴻 吳筠 潘

師正 劉道合 司馬承禎 賀知章 秦系

張志和 孔述塵 斂行

陸羽 崔觀 陸龜蒙

循吏

韋仁壽 陳君寶 張九濟 李桐客 李乘

立至 遠舍巖 薛大鼎 克構 賈敦頤 敦實

楊德幹 田仁會 歸道 裴懷古 韋景

駱 李惠登 羅珣 讓 韋丹 官岫 盧弘

宣 薛元賞

儒學

徐文遠 陸德明 曹憲 顏師古 相時游

秦 孔穎達 王恭 馬嘉運 歐陽詢 通 朱

子奢 張士衡 賈大隱 張後乳 蓋文達

文懿 谷邵 律從政 蕭德言 許叔牙 子佩

敬播 劉伯莊 秦景通 劉訥言

儒學

耶餘令 裴 徐齊 聃 堅 嶠 沈伯義 路



盧祭

尹知章

張齊賢

柳冲

馬懷素殷踐猷

孔若思李翊王

儒學

褚无量徐安貞

元行冲

陳貞節

施敬

趙冬曦尹愔陸堅鄭欽說盧俱

王仲丘

康子元侯行果

陳京

暢當

林蘊

韋公肅

許康

佐

文藝

袁朗誼永序利貞

賀德仁庚抱

蔡允恭

謝偃

崔信明鄭世翼

劉延祐藏器知

桑

張昌齡

崔行功訖

杜審言易簡市

王勃勛助楊炯

盧照隣駱賓王

元萬頃

正義方季方范履

永周思茂胡楚寶

文藝

李適韋元旦劉允濟沈佺期宋之間閻朝隱

主翰

逯迥成簡

李白張旭

王維

鄭

虞

蕭穎士存陸據柳并皇甫冉

蘇源明

全目

右

包之會

唐

梁肅

文藝

李華翰觀

孟浩然王昌齡崔顥

劉太真

邵說

于邵

崔元翰

于公異

李益

盧綸

歐陽詹

桓

李賀

吳武陵

李商隱

薛逢

李頻

吳融

吳武陵

方技

李淳風

甄權許胤宗張文仲

袁天綱客

師張景藏

乙弗弘禮金梁鳳王遠知

薛頤

葉法善

明崇儼

尚獻甫

嚴善思

杜

生

張果邢和璞師夜光羅思遠

姜撫

桑道

茂

烈女

李德武妻裴淑英

楊慶妻王

房元齡妻

房元齡妻

盧

陶孤師仁母王菊英

楊三女妻李

樊會仁母敬

衛孝女無忌

鄭義宗妻盧

劉寂妻夏侯金

于敏直妻張

楚王

震龜妃上官

楊紹宗妻王

賈孝女

李

氏妻王阿足

與彥琛妻甄

李

李



女李 崔繪妻盧 堅貞節婦李 符鳳妻

王英 高獻妻泰 王繼妻韋 盧惟清妻

徐 饒娥 賈伯女仲女 盧市妻李 鄒

侍徵妻薄 金簡婦 高愍女 楊烈婦

賈直言妻董 李孝女妙法 李端妻 董

呂齡母楊 王孝女和子 段居貞妻謝

楊含妻蕭 韋雍妻蕭 衡方厚妻程 鄭

孝女 李廷節妻崔 殷保晦妻封綯 賈

烈婦 李拯妻盧 山陽女趙

周廻妻 朱延壽妻王

外戚 獨孤懷恩 武士鑊士稜士逸承嗣三思懿

宗攸暨 韋溫 王仁皎守一 楊國忠

李脩 鄭光

官者 楊思昂 高力士 程元振駱奉先 魚朝

恩 實文楊霍山鳴 劉貞亮 吐突承璀

馬存亮嚴遵美 仇土良 楊復光





次測

宜五漳義舉

以生端

滋香

嘉

與

駿

畢

王

王

真

王

古

王

酒

思

王

王

王

王

王

王

李

王

王

王

王

王

王

王

王

王

王

王

王

王

唐

宦者 李輔國 王守澄 劉克明 田令孜 楊復

酷吏 索元禮 來俊臣 來子珣 周興 丘神勣 侯

思止 王弘義 郭弘霸 姚紹之 周利

貞 王旭 吉溫 羅希奭 敬羽

魏博

鎮冀

盧龍

淄青橫海

宣武彰義澤潞

以上藩鎮

突厥



吐番

回鶻

沙陀

北狄

契丹 奚 室韋  
黑水 靺鞨 渤海

東夸

高麗 百濟 新羅  
日本 流鬼

西域

泥婆羅 黨項 東女 高昌 吐谷渾  
焉耆 龜茲 疏勒 于闐 天竺 摩揭

陀

罽賓 康

寧遠

大勃律

吐火羅

謝

識匿

箇欠密

骨咄

蘇毗

師子

波斯

拂菻

大食

南蠻

南詔 環王 盤盤 扶南 真臘 訶陵  
投和 瞻博 室利佛逝 名蔑 單單

唐

豐 兩農蠻 南平獠

西原蠻

姦臣

許敬宗 李義府 傅游藝 李林甫 陳  
希烈 盧杞 崔胤 崔昭緯 柳璨 蔣元

暉 張延範 氏  
叔崇 朱友恭

叛臣

僕固懷恩 問智光 梁崇義 李懷光  
陳少游 李錡 李忠臣 喬琳 高駢

朱玫 王行瑜

陳敬瑄 李巨川

逆臣

安祿山 慶緒 高尙 孫孝哲 史思明 朝義  
李希烈 李元

忠臣

同諫

判卷



廿一史約編

吳興 鄭元慶 莊畦 述

吳以選 青臣 吳鳴鶴 孚九

同學

沈端學 既為 陳洙 選孚宜

叅訂

唐書

米歐陽修字永叔廬陵人觀文殿學士致仕仁宗朝奉詔修唐書其宋祁所著者亦令刪改修曰宋公于我為前輩其名何可沒遂于紀傳各列其名書凡二百廿五卷而舊唐書則後唐劉昫所著

唐高祖

姓李名淵字叔德成紀人涼土元之後祖虎事後周封唐公父昧襲封帝仕隋為太原留

守進爵為王尋即皇帝位

太宗

名世民高祖次子

唐書

苑文會

高宗

名治太  
宗九子

中宗

名顯高宗七子  
附武曌高宗后

睿宗

名旦高  
宗八子

元宗

名隆基睿  
宗三子

肅宗

名亨明  
皇三子

代宗

名豫肅  
宗長子

德宗

名适代  
宗長子

順宗

名誦德  
宗長子

憲宗

名純順  
宗長子

穆宗

名恒憲  
宗三子

敬宗

名湛穆  
宗長子

女宗

名海穆  
宗二子

武宗

名炎穆  
宗五子

宣宗

名忱憲宗  
十二子

懿宗

名濯宣  
宗長子

僖宗

名儼懿  
宗五子

昭宗

名晔懿  
宗七子

哀宗

名祝昭  
宗九子



唐高祖 在位九年  
號武德

選用高宗室

唐  
周運收德歸

唐高祖李淵。舉晉陽精兵。掃除隋室。席捲長驅。擊夏楚。降梁鄭。滅燕涼。俘仁杲。芟武周。剪黑闥。皆秦王世民之功。顧淫汙宮掖。設詐罔衆臣。附突厥爲掩耳偷鈴之計。文靜世讓功臣也。無罪致死。士及德彞。佞臣也。寵以高官。高祖行事。皆不足有天下得天下者。繇世民也。向使高祖如文王建成如太伯。世民如子臧。推刃之釁。何自而生。乃泥立長之說。忘世民之功。容元吉之忌。非高祖爲之釀禍耶。

唐書

苑文會

行開元通寶錢

平元通舞劍  
百列

帝爲太原留守會天下盜起世民知隋必凶陰與劉  
文靜謀舉大事帝未之知也欲以情告懼不聽令宮  
監裴寂密選宮人私侍帝因酒酣告之帝大驚寂曰  
正爲宮人奉公事發當誅耳帝因起兵○詐爲勅告  
發太原等處民爲兵擊匈奴○與突厥相結寂等請  
立代王收易旗幟以示之帝曰此可謂掩耳偷鈴○  
劉文靜爲裴寂所讒劉世讓爲突厥所誣俱殺之○  
宇文士及妹爲昭儀授上儀同封德彝以秘策于帝  
遷內史侍郎○太子建成齊王元吉忌世民請誅  
之帝不許房元齡勸世民行周公事伏兵元武門射  
殺建成元吉爲尉遲敬德所殺上謂裴寂等曰不圖  
今日乃見此事蕭瑀陳叔達曰建成元吉本不與義  
謀又無功于天下秦王功高望重其爲奸謀者秦王  
已討而討之陛下若處以元良委之國務無復事矣  
帝曰此吾之夙心也遂立世民爲皇太子○文王舍  
伯邑考而立武王○曹宣公世子子臧乃負芻之兄  
宣公卒負芻殺太子曰子臧○子臧辭



唐太宗

在位廿三年號貞觀

力高女

射殿延

面定功臣爵

邑

弘文館

除害背刑

死刑五覆

三鑑

不離

唐太宗弱冠起義躬親行陣所向無前史言除隋之暴比跡湯武良然初封秦王繼命爲天策上將卽開館以延賓客十八學士時人謂之登瀛洲及卽位二十四人輔天弘化圖像凌煙在朝蹒蹒在野皞皞甚至縱囚來歸幾於刑措乃推功同氣失教東宮巢刺王妃生子文成公主和番何閤中多士莫之佳救哉然能以武撥亂以仁勝殘胡越一家自古無有迄今觀師古王會之圖閱貞觀政要之冊未嘗不嘖嘖稱嘆也

崔錫死懷中

剪髮和藥

張藎古上太

實錢

馬同論事一

字不可增減

嘗得薛仁貴

敬德富不易

妻

魏徵獻陵之

廣世南五絕

十八學士杜如晦房元齡虞世南褚亮姚思廉李元  
 通蔡允恭薛元敬顏相時蘇易子志寧蘇世長薛收  
 李守素陸德明孔穎達諡文達許敬宗凌煙閣功  
 臣二十四人長孫無忌王孝恭杜如晦房元齡魏徵  
 高士廉尉遲敬德李靖蕭瑀段志元劉弘基屈突通  
 殷開山柴紹長孫順德虞世南張公謹程知節張亮  
 侯君集劉政唐儉李世勣秦叔寶帝親錄囚見應  
 死者憫之縱使還家期以來秋就死仍勸天下死囚  
 皆縱遣來秋悉如期自詣無一人以臣者帝皆赦之  
 ○太子承乾以養刺客被廢○元吉封策刺王姬楊  
 氏帝寵之生皇子明欲立為后以魏徵辰龍之喻乃  
 止○置酒未央宮上皇命突厥南蠻等歌舞笑曰胡  
 越一家自古無有也○顏師古以諸國朝貢者多請  
 圖以示後乃作王會圖○帝嘗謂侍臣曰君依于國  
 國依于民利民以奉君猶割肉以充腹腹飽而身斃  
 君富而國亡夫欲盛而費廣費廣則賦重賦重則民  
 愁民愁則國危國危則君喪朕  
 嘗以此思之故不敢縱欲也



司刺史問民

取人  
臣身書判

府  
半義方此義

警明義類

許敬宗謚

唐高宗在位十四年號永徽顯慶龍朔麟德萬歲

唐高宗賴長孫無忌褚遂良同心輔政故永徽之始頗

類貞觀未幾溺情斌媚甘路聚塵瀆亂人倫何至於此

王后初忌淑妃寵召武尼入宮乃斷手足投酒甕后如

同受其慘而武尼竟立為后非李勣許敬宗為之慫慂

耶遂良貶無忌殺寵笑刀之人謫用北門之學士天下

大權悉歸天后中外雖曰二聖而帝竟若贅旒信哉維

奴懦不能守社稷矣太子弘耽賢又廢黜愛子且不保

何況其他嗚呼女主之惡可勝言哉

推舉

張公藝九世

同居共食忍

字以進

要師德入朝

八捷

李善感風鳴

朝陽

太宗命長孫無忌褚遂良受顧命曰朕佳兒佳婦悉以付卿。○太宗才人武氏各賜號號斌媚娘太宗崩出為尼帝見而悅之王后陰令其長髮納之後宮欲以闢蕭淑妃之寵帝大幸之拜為昭儀未幾欲立為后遂良堅以為不可帝問李勣勣曰此陛下家事何必問外人許敬宗曰田舍翁多收十斛麥尚欲易婦何況天子帝意乃決于是貶遂良。○武氏斷后如于足投酒甕中曰令二姪骨體死武氏為鼠吾為猫生生世世扼其喉。○武后深怨無忌令敬宗誣以謀反殺之。○李義府笑中有刀又來而害物號曰人猫。○元萬頃等密召入禁禁決政事人謂北門學士。○古稱天后帝每視朝后垂簾于後謂之二聖。○帝小字雉奴初太宗謂無忌曰雉奴懦惑不能守社稷。○太子弘數忤后后叱之又廢太子賢為庶人立皇孫重照為皇太孫王方慶曰未聞太子在東宮而更立太孫晉書曰自我作古可乎。○新豐縣有山湧出高二十丈旁有池周二百畝其龍鳳之形。○禾黍之異武后以為瑞名之曰慶山。



唐中宗在位十五年號神龍景龍○附武后  
僭位廿一年改國曰周號十九

則天年號

嗣聖 文明

光宅 垂拱

永昌 天授

載初 如意

長壽 延載

天冊萬歲

證聖 萬歲

通天 萬歲

聖封 神功

聖曆 久視

大足 長安

徐敬業起義

韓鳳受疏

以僧懷義為

唐中宗為武曌所廢竄居房州久罹幽辱賴五王之力  
得反周為唐易之昌宗既斬庶下即當以大義數曌之  
罪賜之死而滅其宗庶足慰在天之靈乃不能聲討而  
曰母實生我其誰敢怨遂從容傳位復上顯號故不旋  
踵而韋后肆行敗度委事三思帝則點宮中之雙陸縱  
妖女之斜封信五狗而殺五王為和事天子而已淫亂  
罔門逆謀旋起至遭毒身之慘嗟嗟既不能化母又不  
能制妻下愚不移中宗之謂歟

百馬寺主

狄仁傑奏

淫祠獨存其

刑

獨牙何意識

字

夢師德睡面

白乾

九月梨花

蘇味道摸稔

桃李悉在公

門

蓮花似六郎

兩足狐賦

三無坐處

其志忠上祭

條

堂歌十二篇

武后

武后廢帝為廬陵王居房州十四年召還東宮又七年○五王張柬之敬暉桓彥範袁恕已崔元暉○張易之張昌宗皆私侍武后者后以太宗才人蠱惑嗣帝罪一戕殺王母罪二黜中宗而奪之罪三殺君之子三人罪四自立為帝罪五廢唐宗廟罪六誅錫宗室罪七廢德彰聞罪八專用酷吏毒痛四海罪九○帝使韋后與武三思雙陸而自為之點籌○安樂長寧公主上官婕妤等倚勢用事降墨勅除官封封付中書○周利用冉祖雍李俊宋之遜姚紹之皆三思耳目人謂五狗○崔琬彈宗楚客帝命結為兄弟以和解之時人謂之和事天子○景龍初丁修文館置大學士四員學士八員直學士十二員以象四時八節十二月凡天子游豫惟宰相及學士得從春幸梨園並渭水祓除則賜細柳園辟癘夏宴葡萄園賜朱櫻秋登慈恩浮屠獻菊花酒稱壽冬幸新豐歷白鹿觀上驪山賜浴湯池給香粉蘭澤帝有所惑即賦詩學士屬和時競艷之然皆狎猥佻佻無君臣體



唐睿宗

在位三年號景雲  
先天太極延和

天星散落如

暴武三思屍

復王宮爵

唐睿宗不能討韋后之淫亂。迨臨淄王一起。卽廢重茂而安社稷。誠以子之功而立也。臨淄旣封爲平王。上有宋王爲之兄。東宮未屬。賴劉幽求等苦諫。宋王又固辭。而平之儲位乃定。夫宋王非卽泰伯。志哉。泰伯不遜。則王季不得立。宋王不讓。則平王不得爲太子。故有平王之大功。不可無睿宗之早禪。傳德避災。其志固已決矣。而不能盡釋萬幾。以致太平亂逆。聞變登樓。智者豈如是乎。

復糾封官

直經略節  
度使

如置十二道  
觀察使

武后廢中宗而立帝及改國號周廢為皇嗣封相王  
中宗復位而崩太平公主等立重茂為帝臨淄王起  
兵討韋氏并誅其黨廢重茂請帝即位○帝將立太  
子以宋王長平王有功疑不能決宋王辭曰國家安  
則先嫡長國家危則先有功荷違其宜四海失望臣  
死不敢居平王之上涕泣固請者累日于是立平王  
為太子○彗星出西方人太微太平公主使術者言  
于帝曰彗星以除舊布新又帝座及心前星皆有變  
皇太子當為天子帝口傳德避災吾志決矣遂傳位  
太子帝為太上皇一切大政猶決于已後大平公主  
與元宗有隙遂與竇懷貞等謀廢立王琬等具言其  
狀元宗乃執懷貞等斬之上皇聞變登承天門樓公  
至賜死于家○元宗既立嘗遣宋王書曰魏文帝詩  
云西山一何高高殊無極上有兩仙童不飲亦不  
食賜我九藥光耀粲五色服之四五日身體生羽  
翼朕每思之服藥而求羽翼寧如兄弟天生之羽翼  
乎後諸王繼薨宋王獨在帝更加  
友愛其薨也哭之慟追謚讓皇帝



看華蝶紫

焚珠玉繡帶

劉政為本樓

置採訪使

遺諸孔子為

文宣王

置太公廟

御樓觀燈大

醺

置左右教坊

唐元宗

在位四十三年  
號開元天寶

唐明皇友愛兄弟為長枕大被。設五輦。建花萼相輝之樓。姚宋張韓相繼作相。寧自瘠以肥天下。漸致太平。未幾倚口蜜腹劍之奸。成羅鉗吉網之酷。殺三子。納子婦。寵安祿山。使其出入禁中。拜楊貴妃為母。結緣苟合。為錦繡大襁褓。裹赤心兒。以絲與昇之。賜妃洗兒金銀錢。復厚賜祿山。以縱其歸。致漁陽竄起。黃屋蒙塵。大河以北無堅城。二十四郡無義士。劍門道上。鳥啼花落。無非悲悼。悔何及歟。

張九齡上干

秋金鑑錄

姚崇救時辛

相

盧懷仁侍食

宰相

鄭虔袖葉肆

書

王鉉聚飲

張奭曳白

安祿山僧元

聖武凡二年

子慶緒僭元

載初天成天

和凡二年

開元之相姚崇尚通宋璟尚法張嘉貞尚吏張說尚  
文李元紘杜暹尚儉韓休張九齡尚直各有所長○  
帝嘗引鑑默不樂左右曰自韓休入朝陛下無一日  
歡何不去之帝曰吾雖瘠天下肥矣○世謂李林甫  
口有蜜腹有劍○吉溫羅希奭皆隨林甫所欲鍛鍊  
成獄時謂羅錯吉綱○太子瑛鄂王瑒光王琚皆賜  
死○納壽王妃楊氏為貴妃妃三姊皆美劬帝呼為  
姨歲賜錢百萬為脂粉費兄鉅以上柱國門列戟國  
忠逢領劍南五家第舍聯亘擬宮禁每十月帝幸華  
清宮五家車騎皆從家別為隊隊一色俄五家隊合  
燭若萬花川谷成錦繡國忠黨以劍南旗節遺錮墮  
烏瑟瑟璣璣狼籍于道香聞數十里○安祿山腹云  
過膝上戲曰此胡腹中何所有其大乃爾對曰止有  
赤心耳天寶九年賜爵東平郡王兼領三鎮十四年  
反于漁陽僭稱雄武皇帝國號大燕河北郡縣皆風  
靡帝曰二十四郡會無一義士耶遂幸蜀謂侍臣曰  
此去劍門身啼花葉處  
處山青無非助朕悲悼



唐肅宗

在位七年號至德  
乾元上元寶應

第五琦善理財

雷海青擲樂器于地

李泌衣白山人

誦黃臺瓜辭

唐肅宗以國之元子收兵靈武反旆而東不失舊物可謂能矣。乃愛張良姊任李輔國殺太子遷上皇何多失德也。聽李泌遠引衡山郭李元勳令魚朝恩節制宮人武士為菩薩金剛而日月食之變不聞修省節度由軍士廢立反授以節鉞承襲故江淮雖平思明雖殺而楚州河東朔方之軍仍亂於外張后越王兗王之殺忽亂於內上不保其父中不保其身下不保妻子而國祚尚存天其未厭唐德乎。

郭子儀克復  
兩京

李峴直言

史思明僭元  
應天順天

三年

子朝義僭元  
顯聖元年

明皇避難至馬嵬驛陳元禮等以禍由楊國忠殺之  
又請誅貴妃明皇不得已令高力士縊死貴妃將發  
馬嵬父老遮道請留明皇命太子宣慰之父老共擁  
太子至靈武即位○帝與張良娣博打子聲聞李悅  
諫之乃刻乾樹雞爲子擲之不響良娣以是怨泌○  
張后與輔國讒殺太子倓又言上皇與外人交通廢  
詔劫遷西內○上命郭子儀李光弼等九節度討安  
慶緒以宦官魚朝恩爲觀軍容使○置道場于三殿  
以宮人爲佛菩薩以北門武士爲金剛神主○平盧  
節度王志元卒裨將李懷玉殺其子推侯希逸爲節  
度朝廷許之○江淮都統劉展反田神功討平之○  
史思明初黨祿山後降復反僭稱應天皇帝國號燕  
已而慶緒求救于思明思明殺之思明亦爲其子朝  
義所殺後朝義之將田承嗣以莫州降朝義縊死○  
楚州牙將高幹殺刺史李藏用河東兵亂殺節度鄧  
景山朔方王元振作亂子儀平之○后忽欲殺轉國  
輔國使程元振逼后下殿帝驚悸而崩遂殺后及越王充王



唐代宗

在位十七年號  
廣德永泰大曆

潛運推劉晏

爲首

郭子儀自耕

百畝

唐代宗殺李輔國。削程元振。縊魚朝恩。誅元載。亦英毅哉。李郭懷恩輩與帝少同患難者也。何卽位後。因元載不容。匿泌於江西。子儀功蓋天下。平時置之閒處。有事則召之。致懷恩六罪。自訟作寇太原。帝之待功臣。多未得其當矣。尤可笑者。置百高座。講仁王經。幸章敬寺。賜孟蘭盆。而胡禿封公。逐殺節度者。命知留後。權知留後者。旋爲節度。擅殺兵馬者。卽與刺史。紀綱大壞。不能復振。非肅宗開於前。代宗繼於後歟。

有朝恩判國  
子監

宋泚獻猶星  
同孔

代宗

文會

帝謂李泌曰元載不容卿朕今匿卿于魏少遊所○  
吐番入寇上幸陝州長安剽掠一空子儀閒廢日久  
至是命鎮咸陽以禦之吐番乃遁○僕固懷恩戰功  
無比為人構陷憤怨殊深上書自訟曰臣罪有六爲  
先帝掃清河曲一也男玢陷虜亡歸斬之以令衆士  
二也二女遠嫁爲國和親三也身與男場爲國効命  
四也河北新附撫安反側五也說諭回紇使赴急難  
六也遂稱兵反○胡僧不空官至卿監爵爲國公○  
李懷玉逐侯希逸詔懷玉爲留後朱希彩殺李懷仙  
命希彩知留後李希烈還李忠臣詔以希烈爲留後  
李懷瑗殺朱希彩朱泚權知留後詔以泚爲節度李  
靈曜殺孟鑒詔以靈曜爲刺史○子儀子曖尙昇平  
公王嘗與爭言曖曰汝尙乃父爲天子我父薄天子  
而不爲公王奏之上子儀以曖入待罪帝曰諺有之  
不與不轉不爲家翁見女子閨房之言何足聽○郾  
模獻三十十字一字爲一事京兆以聞帝召見其言圖  
請罷諸州團練使也言監請  
罷諸道監軍也他字率煩此



唐德宗

在位廿五年號建中興元貞元

楊炎作兩稅賦

集奉天城

醉人為瑞

劉晏常平監

陽城撫字心勞徵利政拙考下下

唐德宗有削平藩鎮之志。但志大而才小。不能成大事。而任楊炎。盧杞為相。好貨斥賢。以名稱王。僭帝之亂。如奉天走梁州。乘輿播遷。時尙有陸贄諸賢。苟痛除前過。共謀新圖。庶幾太平有日。乃還宮以來。刻意聚歛。李兼為月進。韋皋為日進。用裴延齡。則貶陸贄。信張延賞。則疑晟。燧。渾瑊。關外之寇未平。京城之盜先起。藩鎮強而王室弱。宦官寵而國命危。貪政多而民心畔。帝曰。此亦天命。非由人事。豈其然耶。

李希烈僭元

武成元年

朱泚僭元應

天皇帝元

年

宮市

自望

柳渾頭可斷

舌不可禁

李程八博學

王

括富商錢括餽櫃資錢行稅間架除陌錢稅茶等法  
 ○朱滔自稱冀王田悅稱魏王王武俊稱趙王李納  
 稱齊王○平盧節度李希烈反僭稱帝國號楚其將  
 陳仙奇殺而獻之○涇原節度姚令言兵亂帝幸奉  
 天令言奉故盧龍節度朱泚為主僭稱大秦帝尋改  
 漢李懷光李晟合兵討之泚遁其將韓旻殺而獻之  
 懷光欲見帝言盧杞奸佞不得入見怨望久之亦反  
 帝奔梁州馬燧討之懷光縊死○上以奉天窘乏故  
 還宮以來尤好聚斂藩鎮多以進奉市恩李兼在江  
 西有月進之人韋阜在西川有日進之人刺史進奉  
 自裴肅始幕僚進奉自嚴綬始○裴延齡日短陸贄  
 于上等貶贄為忠州別駕○李晟馬燧渾瑊良將也  
 相張延賞則疑之○上初與陸贄語及亂故深自刻  
 責贄曰今日之事皆羣臣之罪也帝曰此亦天命非  
 由人事○郭子儀每見賓客姬妾不離側盧杞往問  
 疾子儀悉屏之或問其故儀曰杞貌醜而心險婦人  
 輩見之必笑他日杞得志  
 吾族無類矣其周慎如此



唐順宗在位一年

號永貞

丕至傳授叔  
文王恭可

唐順宗爲太子。留心藝術。善隸書。從幸奉天。朱泚逼迫。帝乘機拒戰。德宗權歸宰相。人不敢言。帝從容論諍。每多敷奏。未嘗以顏色假借。宦官居儲二十年。天下陰受其福。及卽位。以風瘡未愈。制出帷中。追陸贄陽城。免天下諸色逋負。罷進奉宮市。五坊小兒皆政之善者。故順宗之八月。愈於德宗二十五年也。不幸嬰疾。政在二王。而八司馬之黨。交構縱橫。人情尊沓。乃從韋臯之請。傳位家嗣。以安社稷。不亦賢乎。

陸淳有功春  
秋而各在入  
司馬之冠

杜黃裳請太子監國

王貶竄

追陸贄陽城赴京師未聞詔先卒。○鵬坊、鶻坊、鶻坊、鷹坊、狗坊、閒廐使押之以供時狩者。○帝居深宮獨宦官李忠言、昭容牛氏侍左右而王伾、王叔文最用事。叔文依伾，伾依忠言，忠言依昭容，轉相交結。外則陸淳、呂溫、李景儉、韓曄、韓泰、陳諫、柳宗元、劉禹錫等承聽外事，謀議唱和，日夜汲汲如狂。號八司馬黨。士大夫畏之。道路以目。○韋臬上表曰：陛下哀毀成疾，請權令太子親監庶政。又上太子箋，請奏聞王叔文過惡，斥逐羣小，使政出人主，則四方獲安。俄而荆南裴均、河東嚴綬箋表繼至，意與臬同。而邪黨震懼，帝遂傳位太子。○叔文及其黨十餘家之門車馬如市，客候見叔文者，至宿其坊中，解肆酒壚下，一人得千錢，乃容之。伾尤關其專，以納貽為事，作大匱貯金帛，夫婦寢其上。○上御宣政殿冊太子，百官睹太子儀表，退皆相賀，至有感泣者。中外大喜，而叔文獨有憂色，口不敢言，但吟杜甫題諸葛亮祠堂詩曰：出師未捷身先死，長使英雄淚滿襟。聞者晒之。



唐憲宗

在位十五年號元和

杜黃裳不得久相

唐憲宗發憤爲雄志平僭叛所向有功任用高崇文李愬并度圜藩絳諸賢各稱其才中興之名於斯爲盛顧晚節不終竟罹弑禍咎在信宦官喜進奉崇異端而已夫宮中所對惟宦豎女子此吐突承璀所以親也數進羨餘以供其費此程异皇甫鑄所以相也好神仙迎佛骨此柳泌所以官韓愈所以貶也未幾金丹藥發燥渴病生爲陳弘志所弑諱言暴崩既不能享長生之樂而身罹不測求仙媚佛亦何益哉

李吉甫撰元和國計簿

柳宗元梓人

傳

郭夔馳種樹

傳

白居易香山

九老

西川節度劉闢反命高崇文將兵討之擒送京師○  
 鎮海節度李錡反張子良擒送京師○成德節度王  
 太宗不奉詔命吐突承璀討之并誘昭義節度盧從  
 使執送京師○彰義節度吳少陽卒其子元濟匿喪  
 包領軍務緣反縱兵侵掠李愬襲蔡州雪夜擒之檻  
 送京師○卽廣德以來垂六十年藩鎮跋扈河南北三  
 十餘州自除官吏不供真賦至是盡遵朝廷約束○  
 裴度在相位知無不言裴伯竭誠輔佐帝問爲理之  
 要何先伯對曰先正其心李藩位平章會河東節度  
 王諤賂權近求宰相上密詔中書諤可兼宰相藩遠  
 取筆減宰相字署其左曰不可時權德輿失色曰不  
 可宜別爲奏奈何以筆塗詔藩曰事迫矣出今日便  
 不可止卒寢其命李絳嘗以盛暑對延英帝汗浹衣  
 絳欲趨出帝曰朕宮中所對惟宦豎女子殊溷人意  
 與卿談天下事固快樂也○山人柳泌能合長生藥  
 言天台多靈草拜台州刺史○迎佛骨至京師韓愈  
 切諫貶潮州刺史○白居易作樂府百  
 餘篇規諷時事流聞禁中拜翰林學士



唐穆宗在位四年

李愬素服流

涕

裴度有將相  
堅才

唐穆宗誅李直臣。用李聽復韓愈。免欠錢。庶幾知要矣。但忍父之仇。而徒以口體悅母。可謂孝乎。今日幸清華。明日畋驪山。何遨遊無度也。聽蕭俛段文昌。無故起銷兵之議。致幽州成德相繼告亂。朱克融史憲誠王庭湊跋扈不恭。當誅者赦之。使雄藩目無天子。裴度元臣宿望。既留守輔。復罷僕射。此何爲者。元稹李逢吉。詎知天下事。由是再失河朔。不能復取。徒信方士。餌金石藥。以至疾作。何前車不鑒。復蹈故轍哉。

牛李之惡  
疾

李德裕宗  
李分朋黨

宿州刺史李直臣坐賊牛僧儒請誅之。將軍李聽有良馬，帝為太子時求之，不得。帝曰：「李聽不與朕馬，是以可任。」遂用之。復韓愈為京兆六軍，不敢犯法。私相語曰：「此尚欲燒佛骨頭，何可犯耶？」幽州軍亂，因節度張弘靖推朱克融為留後，詔為平盧節度。威德節度馬使王庭湊殺節度田弘正，自稱留後，詔為威德節度。相州軍亂，殺刺史邢滌。魏博將史憲誠殺節度田布，詔以憲誠為節度。詔留裴度輔政，罷為右僕射。宦官崔潭峻薦元稹，知制誥朝論鄙之。會同僚食瓜閣下，有青蠅集其上，武儒衡以扇揮之，曰：「適從何來？」遽集于此。同僚皆失色，稹長于詩，與白居易並名天下，傳諷號元和體。往往播之樂府，宮中呼為元才子。李逢吉同平章事，結交王守澄，勢傾朝野。帝見樞密權重，愛之，問曰：「卿書何能？」如是之善對曰：「用筆在心，心正則筆正。」帝默然改容。知其以筆諫也。樞密公綽為節度，過鄧縣，有二吏一犯賊，一舞文，眾謂必殺犯賊者。公判曰：「賊吏犯法，法在；好吏亂法，法亡。」竟誅舞文者。



唐敬宗

在位二年  
號寶曆

聖德宗御史

唐敬宗甫立二年。酒酣遇弑。亦可悲矣。知裴度之賢。諫諍盈耳。不爲動搖。用之爲相。如諫幸東都。諫索勅使。皆悅從之。復厚待韋處厚。李絳。李德裕。雖八關十六子。附麗用事。不害諸賢之進。假令天永其年。未始不可望治也。奈遊幸無常。此昵羣小。西頭之勢。重於南衙。夜獵擊毬。禍生滅燭。嗚呼。敬宗弑。絳王立。絳王殺。江王立。兩日之內。宦官凡三易主。而裴度身爲上相。置若罔聞。賢者如此。況其他乎。

崔駘擒曳中

裴度失印

張權輿諫幸

驪山

裴度求入朝逢吉之黨百計毀之先是民謠云緋衣小兒坦其腹天上有口被驅逐又長安城中有橫亘六岡如乾象度宅偶居第五岡張權輿上言度名應圖讖宅占岡原不召而來其旨可見帝雖年少悉察其誣謗以為同平章事○帝欲幸東都度諫而止○朱克融執留勅使帝欲索之度曰克融無禮已甚殆將斃矣願陛下勿遣宣慰亦勿索勅使帝從之未幾克融果被殺○李德裕獻丹表六箴一曰宵衣二曰正服三曰罷獻四曰納誨五曰辨邪六曰防微帝優答之○時李逢吉用事所親厚者張又新李仲言李續之李虞劉棲楚姜洽及張權輿程昔範又有從而附麗之者時人目為八關十六子○時宦官放恣高元祐曰今西頭之勢重于南衙樞密之權過于宰相○帝取好擊毬夜獵還宮與宦者廿八人飲酒帝酒酣入室更衣殿上燭忽滅劉克明等弑帝于內室遂矯稱帝旨立絳王悟王守澄等弑之立江王澣是為文宗



唐文宗 在位十四年  
號太和開成

唐宮人旅鷹  
大省冗食

李德裕  
樓

唐文宗深知兩朝之弊恥爲凡主杖殺陳弘志酖死王  
守澄天下快心劉蕡雖直言下第而咸宦官勿衣羅縠  
其志亦銳乃不商於忠賢之宋申錫而欲仗鄭注李訓  
以消積蠱知其必無成功也甘露之變用甲兵於殿城  
天子震驚千門流血公卿要領入於刑餘之手而帝卒  
受制家奴終其身徒有報獻之比涕泣之悲不敢言及  
宦官以至仇士良等矯詔廢立爲禍益烈其君道可知  
而周墀以堯舜諛之鄙矣

聖收罪言

魏公權有言  
臣風采

元和以來宦官日橫帝親策制舉人劉蕡對策極言其禍竟下第物論器然曰劉蕡下第吾輩登科能無厚顏○鄭注李訓等謀誅宦官適有奏稱左金吾廳事後石榴夜有甘露帝命車尉仇士良等往視至左仗風吹幕起見執兵者甚衆士良驚走詣上告變金吾兵登殿縱殺宦官士良等命禁兵殺訓注等及金吾吏卒與民佔販在中者數千餘人○帝自甘露之變意忽忽不樂但飲酒求醉一日問周墀曰朕方前代何王墀曰堯舜帝曰朕豈敢比堯舜所以問卿者何如報獻耳大服獻受制強諸侯今朕受制于家奴殆不如也因泣下沾襟不復視朝○士良等以太子立不由已矯詔廢之而立憲為皇太弟是為武宗○魏州軍亂殺節度史憲誠推何進滔知留後諸以進滔為魏博節度與元軍亂殺節度李絳虛龍將楊志誠逐節度李載義詔以志誠為留後○時宦豎擅權福紳道喪裴度不復有經濟意乃治第東都作別墅共煥館涼臺號綠野堂波激其下與白居易居易劉禹錫為文章把酒窮晝夜相懽



唐武宗在位六年  
號會昌

詔羣臣言事  
不得乞留中

杜牧得大臣

唐武宗首名李德裕國之大本已定度越尋常萬萬矣  
夫肅代以降內莫甚於奄侍外莫大於藩臣自德裕相  
而澤潞平三鎮不敢有異志不但駕馭藩臣亦且善制  
奄侍故士良去謂其黨曰天子不可令閒若讀書親近  
儒生則吾輩疎矣帝能力除浮屠盡髮天下僧未幾築  
望仙受法錄或爲敎授先生或爲崇元學士闢佛信道  
仍歸異端金丹疾發猶信以爲換骨竟成不諱豈非自  
貽伊戚耶

聖德裕陳出  
延之弊

中敘判訟

字

德裕性孤峭有經濟大略帝任之言聽計從唐室幾  
中興其所居安邑第有起草院精思亭每計大事則  
處其中雖左右侍御不得預也宣宗卽位貶爲崖州  
司戶參軍尋卒後見夢令狐綯曰公幸哀我使得歸  
葬綯語其子滿滿曰執政皆其憾可乎旣夕又夢綯  
懼因言于帝得以喪歸初爲浙西觀察使亳州浮屠  
詭言水可愈疾號曰聖水江南人爭往汲之水斗三  
十千奸人他汲以相欺詠德裕捕絕之因上言昔吳  
有聖水齊有聖火皆本妖祿古人所禁請令填塞以  
絕妄源詔從之時憲宗方迎數百歲人同其元子浙  
西德裕亦疏論其誕妄○昭義節度劉從諫卒其子  
鎮自爲留後德裕言潞事體與河朔三鎮不同請  
詔諸道討之後鎮之謀王郭誼殺鎮來降德裕言于  
帝曰劉鎮拒命皆誼之謀今責鎮以求賞不殺之無  
以懲惡帝命斬之德裕復面論三鎮由是一鎮不敢  
有異志○築望仙觀于禁中以趙歸真爲道門教主  
先生道士劉元靜  
爲崇元館學士



唐宣宗 在位十三年號大中

諸刺史毋得

外徙

唐宣宗立爲皇太叔。夙有隱德。深自韜晦。及卽位。謹脩節儉。惠愛民物。書貞觀政要於屏。焚香盟誓。以讀章奏。對羣臣如賓客。無惰容。克成先志。而復河湟。威懾優伶。而刑羅祝明。察沉斷用法。無私故大中之政。人思咏之。謂之小太宗。然郭太后暴崩。遷四王出廟。何爲獨虧宋本耶。裴休請早建太子。帝曰。若建太子。則朕遂爲閒人。直至餌藥疽發之後。密以子之非次托孤宦寺。亦何濟哉。

帖李行各子殷柱

廟收近在禁庭

魏墓碑有祖風

帝臨御宰相奏事威嚴不可仰視奏事畢忽怡然曰  
可以閒語矣因問問閤細事或談宮中遊宴無所不  
至一刻許復整容曰卿輩善爲之朕常恐卿輩負朕  
後日不復得再相見乃起入宮○帝曰憲宗有志復  
河湟今克成先志矣○樂工羅程有寵殺人衆工求  
免死帝曰汝曹所惜者羅程藝朕所惜者高祖太宗  
法竟殺之○祝漢貞寵冠諸優干預政事流之天德  
軍○帝疑憲宗之崩郭太后預謀郭之暴崩或曰帝  
弑之○李景誕言穆宗乃陛下之兄敬宗文宗乃兄  
之子拜兄尙可非廷可乎以是遷四王出太廟○帝  
餌藥疽發于背宰相不得見密以第三子薨王滋薦  
宦官王歸長等輔立之中尉王宗實殺歸長乃立懿  
宗○于延陵爲建州刺史入辭帝曰建州去京師幾  
何對曰八千里帝曰卿到彼爲政善惡朕皆知之勿  
謂其遠此階前則萬里也卿知之乎○令孤綯擬李  
遠刺杭州帝曰吾聞遠詩云長日惟消一局棋安能  
理人綯曰詩人托此爲高煦耳  
未必實然帝曰且食在試觀之



唐懿宗 在位十四年號咸通

梁京識監車之亂

唐懿宗溺愛同昌嫁葬無度猶其小者而任其夫韋保  
復及路巖爲相遂至中官擅權四方盜起軍逐其帥民  
遂其主於斯時也天下殆哉厲勛造逆毒編中原康承  
訓李國昌共討平之最爲有功反爲牛頭黨所譖是信  
姦譖之輩疎忠直之人帝之釀禍譬揚火也復加薪焉  
禍寧有止耶彗星三尺指以爲瑞其愚更甚迎佛骨曰  
朕生得見之死亦無恨不數月卽晏駕事佛求福乃更  
得禍不益信哉

合狐痛號白  
示宰相

稱願不益計哉

類主將見之既長無則不遠且明是驚事計來願代更

願寧休止順慧皇三以能以爲難其恩更其受賜計曰

遠前之輩願忠直之人帝之願願誓非火出於此其語

臨幸四昌共情平之景微作也又爲半願黨視其計

發其王然漢初也天不命其願願望並毒國中則其來

與文起難爲昧教正中官難辦四衣益其軍並其計以

武續宗爾愛同昌救蓋難與解其小背而升其失幸社

御書

御書

御書

御書  
年號  
御書  
御書



讀史通

萬餘

卷之四

[illegible]

華安國寺設  
萬人齋

肅敬上疏諫  
奏併

帝愛同昌公主，傾宮中珍玩以爲嫁資，賜第，憲戶皆飾絳寶，并欄藥白，亦以金銀爲之。公主卒，帝痛悼不已，殺醫官二十餘人，收其宗族三百餘人下獄，物議沸然。○韋保衡路巖二人勢傾天下，人謂之牛頭黨。○路巖罷相，出鎮西川，出城，路人以瓦礫擲之，巖白京兆尹薛能，能曰：「向來宰相出府司，無例發人防衛，巖甚慚。」○浙東賊裘甫攻怕象山，官軍屢敗。○徐州軍亂，逐其節度溫璋，光州民亂，逐其刺史李羽翳。○桂林戍卒罷動作亂，衆至十萬，康承訓、朱邪赤心共討平之，賜赤心姓名李國昌。○彗星長三尺，司天監奏按星經是合譽瑞星，至大喜，請宣示中外，帝從之。○迎佛骨至京，羣臣言憲宗迎佛骨，尋晏駕，帝曰：「朕生得見之，死亦無恨。」及至上降樓膜拜，流涕沾臆，迎入禁中。○時宦官多閹人，杜宣猷爲福建觀察使，每寒食遣吏人分祭其先，龍宦官德之，陞宣猷觀察使，時人謂之勅使。○陝州觀察裴楚以器韻自矜，不親政事，民訴其荒，楚指庭前樹曰：「此尚有葉，何旱之有？」故之民怨，遂焚楚走，渴求飲，民以溺飲之。



唐僖宗

在位十五年號乾符  
廣明中和光啓文德

賜李保衡死

兩牙北司互  
相矛盾

兩帝戲迎劉

唐僖宗專事嬉遊自誇擊毬狀元戮忠拒諫盜起民愁  
黃巢破長安車駕遷巴蜀賴李克用勦軍神武滅巢回  
鑾倘加以上將委之重在事尚可圖也奈何有復唐之  
大功朱全忠輒欲殺之赴訴朝廷兩無予奪致克用之  
怨不伸全忠之惡益肆帝復倚任北司至呼田令孜爲  
阿父縱其驕橫克用引兵問罪劫駕再奔秦鳳寶雞播  
遷無地天下莫不痛心嗟乎令孜雖流復恭又出全忠  
更熾唐亡可立歟矣

黃巢僭元金

統凡五年

李克用獨  
龍

帝  
太宗權僭稱

帝謂優人石野豬曰朕若應擊玃進士策須爲狀元  
對曰若遇堯舜作禮部侍郎恐陛下不免駁放帝笑  
○忠諫謂侯昌業孟昭圖常濟等○黃巢善騎射任  
俠屢舉進士不第與王仙芝同作亂仙芝敗巢自稱  
衝天大將軍入號長安帝走興元巢僭稱大齊皇帝  
李克用引兵奮擊大破之收復長安巢衆殆盡其甥  
林言斬巢兄弟妻子首以降○克用兵皆衣黑賊憚  
之曰鴟軍至矣當避其鋒○巢將朱溫見巢兵勢日  
盛知其必亡遂以華州降賜名全忠○克用至汴州  
全忠襲之克用走還前後八表解全忠陰狡禍賊他  
日必爲國患乞詔削其官爵臣自帥本部兵討之帝  
累遣楊衮恭等諭旨稱吾深知卿冤方事之殷姑存  
大體克用終不能平○宦者田令孜驕橫克用表請  
誅之詔和解焉克用不服引兵逼京師令孜夜奉帝  
出幸鳳翔克用表請還宮因罪狀令孜請誅之令孜  
引兵劫帝如寶雞至興元自爲西川監軍知不爲天  
下所容乃薦楊復恭爲中尉及克用追  
逼乘輿令孜官爵流瑞州帝還長安



唐昭宗

在位十五年號龍紀大順景福乾寧光化天復天祐

遷都洛陽

唐昭宗當積亂之時天子徒存其名克用力臣二難而存唐室使信任不疑則太原之勢常重而三鎮諸奄猶未敢肆害也孰意始有圍十六宅之變韓建藩臣也而諸王盡殺矣繼有幽帝少陽院之變劉季述奄奴也而盡地數罪矣崔胤召全忠討誅季述而韓全誨又劫帝西幸乘輿復返而全忠又劫帝東遷帝泣謂侍臣曰紇干山頭凍散雀何不飛去生處樂朕今漂泊不知竟落何所之數語也聞者悲之

鄭祭秋後詩

李克用夾板  
鐮斧探

董昌偕稱帝

靖難節度王行瑜鳳翔節度李茂貞同華節度韓建  
各稱兵犯闕帝奔石門。韓建與劉季述矯制發兵  
圍十六宅諸王披髮升屋呼曰宅家救兒建盡殺之  
帝與崔胤密謀欲盡誅宦官季述乃引兵入以所  
持鉅杖畫地責帝曰某日某事爾不從我罪一某日  
某事爾不從我罪二數至數十遂囚之少陽院鎖門  
錮之矯詔立太子裕崔胤能召全忠討誅季述等帝復  
位時全忠茂貞各有挾天子令詣侯之意全忠表請  
駕幸東都京師大駭中尉韓全誨等引兵劫帝如鳳  
翔全忠進攻鳳翔茂貞出戰累敗帝及從官皆陳餒  
于是茂貞殺全誨等二十人以示梁軍而出帝以爲  
解是時全忠迎帝自爲執轡且泣且行見者咸謂其  
忠未幾復殺崔胤逼帝東徙至華州民夾道呼萬歲  
帝泣曰勿呼萬歲朕今不復爲汝王也見何后泣后  
曰自今大家夫婦委身全忠矣時從遷洛陽者僅小  
黃門十數人打毬供奉內園小兒輩二百餘人行至  
穀水全忠教醫官詣遠告其謀亂悉殺而  
代之自是帝左存者寡人全忠遂行弑焉



唐哀帝在位三年  
仍號天祚

柳璨不四全  
為相

李振綿皇

唐哀帝踐祚止以舊號紀年。舉朝徇苟。無有敢言之者。致全忠恣行無忌。將德王九人悉縊殺之。投九曲池中。復殺裴樞等三十餘人。使為濁流。役人如草芥。視君如孤豚。欲求傳禪之後。子母生全。胡可得哉。全忠初弒昭宗。佯驚哭。自投地曰。奴輩負我。令我受惡名於萬代。濟陰之獄。何竟安然為之。全忠之罪。上通於天矣。而楊涉身為宰相。亟持璽綬詣大梁。以視殿下之孫供奉。能不愧死耶。

貪國賊

害未進迫不  
汚者惟司空  
圖

德王九人皆昭宗之子○李義屢舉進士不第故深  
嫉縉紳之士謂全忠曰此輩自謂清流宜投之黃河  
使爲濁流全忠笑而從之遂殺裴樞等于白馬釋○  
全忠謀禪代事何太后使宮人達意求禪代之後子  
母生全○帝下詔禪位于梁遣楊涉等奉玉冊傳國  
璽詣大梁涉于疑式言于涉曰大人爲唐宰相國家  
至此不爲無過況手持璽綬與人雖保富貴奈千載  
何蓋辭之涉大駭曰汝滅吾族神色不寧者累日○  
初昭宗有猴善拜跪號孫供奉全忠篡位令朝賀猴  
望見全於卽號哮不拜全忠惡而殺之○司空圖自  
喜宗時棄官歸隱王官谷作休休亭以自誌曰量才  
一宜休端分二宜休耄而黷三宜休又少也擢長也  
率老也迂三者皆非齊時田則又宜休因自目爲耐  
辱居士昭宗屢徵不起柳璨以詔徵之圖詰問得  
哀野墜笏失儀于是下詔還山有詩曰多病形容五  
十三誰憐借笏趨朝衆皆爲人作醜得爾數千匹圖  
置之虞鄉恣市人取一日而盡時寇盜  
起獨不入王官谷唐亡圖不食而卒



天雄軍今北

直大名府統

七州見博魏

相衛落

成德軍今北

直真定州統

六州恒定易

趙深冀

盧龍軍今北

直順天府統

九州幽薊管

平涿莫檀娒

盧

平盧軍今山

東青州府統

十二州淄青

濟海登萊沂

附唐藩鎮

天雄

田承嗣廣德二年為節度使卒姪悅嗣弟緒殺之自立卒子季安嗣卒子懷諱幼眾推田弘正入朝

十年復亂子布嗣史憲誠殺之自立憲誠又遇殺眾

推何進滔卒子弘敬嗣卒子全皞嗣眾逐之推韓允

中卒子簡嗣樂彥禎殺之自立眾逐之推羅弘信卒子紹威嗣梁開平四年滅

成德李寶臣寶應元年為節度使卒子惟岳嗣王武俊

殺之自立卒子士貞嗣卒子承宗嗣卒弟承元嗣

王庭湊殺之自立卒子元達嗣卒子紹鼎嗣卒

弟紹懿嗣卒兄子景崇嗣卒弟路嗣為眾所殺

盧龍李懷仙廣德元年為節度使朱希彩殺之自立希

彩遇殺朱泚代之泚入朝弟滔代之卒劉厚代之

卒子濟嗣子總弒之自立入朝張弘靖代之為眾所

囚推朱克融眾又逐之推其子仲李載義殺之自立

嗣後楊志誠史元忠張仲武直方周琳張允伸張公

密曹漢亮鄆

橫漢軍今北

直河間府統

西州滄皇德

標

宣武軍今河

南歸德府統

四州并公亭

顯

彰義軍今河

南汝南府統

三州中光榮

彰義軍今山

西路安府統

五州和刑滿

洛磁

代之再

傳滅

平盧

李懷王承泰元年逐其節度侯希遷而代之賜名正已卒子納嗣卒弟師古嗣卒弟師道嗣為其部

將劉悟

所殺

橫海

程日華興元元年為節度使卒子懷直嗣眾逐之立其從兄懷信卒子權嗣入朝李全略復反卒子

同捷嗣拒

朝命伏誅

宣武

劉元佐建中二年為節度使卒子士寧嗣李萬榮逐之自立卒子迺嗣為鄧惟蔡所執

彰義

吳少誠貞元二年殺其節度陳仙奇而代之卒弟少陽殺其子自立卒子元濟嗣為李愬所擒

昭義

劉悟元和十四年為節度使卒子從諫嗣卒弟之子禎嗣為其謀主郭元振所殺

以上八鎮自安史之後叛以襲叛大曆貞元間其言滋劇運于唐亡不為王土



禮樂

明皇知音律，酷愛法曲。選子弟三百，敎于梨園，聲有誤者，帝必覺而正之。時宮女數百，亦爲梨園子弟。帝幸驪山，楊貴妃生日，命張樂長生殿，奏新曲，未有名。會南方進荔枝，因名曰荔枝香。帝又好羯鼓，羯鼓本戎羯之樂，其聲集殺特異。開元廿四年，升胡部于堂上，而天寶樂曲皆以邊地名。若涼州、伊州、甘州之類。明年，安祿山反，諸州皆陷吐蕃。

選舉

唐制取士之科，其目有秀才、有明經、有俊士、有進士、有明法、有明字、有明筭、有一史、有三史、有開元禮、有道舉、有童子，而明經之別有五經，有二經，有學究，一經，有三禮，有三傳，有史科。此歲舉之常選也。其天子自詔者曰制舉，以待非常之才，大抵衆科之目，進士尤貴。其得人亦最盛。方其取以辭章，類若浮文，少實。及臨事設施，奮其事業，隱然爲國名臣者，不可勝數。

兵制

唐有天下二百餘年而兵之大勢三變其始盛時有府兵貞觀十年置折衝府凡天下十道爲府六百三十四而關內二百六十一凡府三等兵千二百人爲上千人爲中八百人爲下府置折衝都尉一人左右果毅都尉各一人其下設屬各有差平居無事則更番宿衛京師有事則命將以出事解輒罷兵散于府耕于野而將歸于朝故士不失業而將帥無握兵之重天寶以後曠騎之法又稍變士皆失拊循折衝諸府至無兵可交于是李林甫遂請停上下魚書自是徒有兵額官吏而戎器駝馬銅幕糗糧並廢矣時府人曰番上宿衛者曰侍官言侍衛天子也是時衛佐悉假人爲童奴京師人恥之至相誦罵必曰侍官而六軍宿衛皆市人富者販綵綵食梁肉壯者爲角觝拔河翹木扛鐵諸戲及安祿山反皆不能受甲矣於是方鎮之兵日盛武夫悍將殊要險專方面既有其土地又有其人民又有其甲兵又有其財賦以布列于天下此方鎮所以不得不強而京師不得不弱也方鎮者節度使之兵也此唐兵三變之大



略也

五行

中宗時安樂公主使尙方合百鳥毛織二裙正視爲一色傍視爲一色日中爲一色影中爲一色而百鳥之狀皆見以其一獻韋后公主又以百獸毛爲鸞面韋后則集鳥毛爲之皆具鳥獸狀工費巨萬公主初出降益州獻羣絲碧羅籠裙縷金爲花鳥細如絲髮大如黍米眼鼻觜角皆備瞭視者方見之自作毛裙貴臣富家多効之江嶺間奇禽異獸毛羽採之略盡時韋后妹又爲豹頭枕以辟邪白澤枕以辟魅伏熊枕以宜男皆服妖也

食貨

唐制度田以步其濶一步其長二百四十步爲畝百畝爲頃凡民始生爲黃四歲爲小十六爲中二十一爲丁六十爲老授田之制丁及男年十八以上者人一頃八十畝爲口分二十畝爲永業老廢疾者人四十畝寡妻妾三十畝當戶者增二十畝皆以二十畝爲永業其餘爲口分永業之田樹以榆棗桑及各所宜木皆有數諸鄉有寬狹地有肥瘠人有死徙者倍半買賣各有限制

自王公以下皆有永業田、稅斂之數、凡授田者、丁歲  
輸粟二斛、稻三斛、謂之租、丁墮鄉所出、歲輸絹二匹、綾  
純二丈、布加五之一、綿三兩、麻三觔、非蠶鄉、則輸銀十  
四兩、謂之調、用人之力、歲二十日、閏加二日、不役者、日  
爲絹三尺、謂之庸、有事而加役二十五日者、免調、三十  
日者、租調皆免、通正役不過五十日、自外戚及于學生  
後士、義夫、節婦、皆免課役、水旱霜蝗、所免租庸調各有  
差、此高祖太宗致民殷富之大畧也、自開元後、天下  
戶籍久不更造、丁口轉死、田畝變易、貧富升降、不實、而  
國家侈費無節、且盜起兵興、須財益急、租庸調法弊矣、  
于是代宗時、始計畝定稅、歛以夏秋、至德宗、相楊炎遂  
作兩稅法、夏輸無過六月、秋輸無過十一月、置兩稅使  
總之、量出制入、戶無主客、以居者爲簿、人無丁中、以貧  
富爲差、商賈稅三十之一、與居者均役、敢加斂者、以枉  
法論、議者謂祖宗法不可輕改、而帝方信用、炎不疑也、  
法行、民力未及、寔而朱滔等叛、于是用益不給、而借商  
之令出、



唐之刑書有四曰律令格式令者尊卑貴賤之等數國家之制度也格者百官有司所常行之事也式者其所常守之法也凡邦國之政必從事于此其有所違及人之爲惡而入于罪戾者一斷以律律之爲書因隋之舊力一不二角一日名例二曰衛禁三曰職制四曰戶婚五曰厩庫六曰擅興七曰賊盜八曰閭訟九曰詐僞十曰雜律十一曰捕亡十二曰斷獄其用刑有五曰笞杖徒流死又有議請減贖當免之法亂治以寬平民樂其安重于犯法致治之美幾乎三代之盛考其推心惻物可謂仁矣自高宗武后以來毒流邦家唐祚絕而後續元宗勵精爲政二十年刑獄減省歲斷死罪纔五十八人以此見致治雖難勉之則易未有爲而不至者以後兵革遂興國家多故人主規規無復太宗之志其雖有心于治者亦不能講考大法凡所更革一切臨時苟且或輕或重徒爲繁文不足以示後世矣

藝文

夫王迹熄而詩亡離騷作而文辭之士興歷代盛衰文

唐書

章與時高下。然其變態百出。不可窮極。何其多也。自漢以來。史官列其名氏篇第。以爲六藝九種七略。至唐始分爲四類。曰經史子集。而藏書之盛。莫盛于開元。其著錄者五萬三千九百十五卷。而唐之學者。自爲著書。又二萬八千四百六十九卷。初隋嘉則殿書三十七萬卷。至武德初。有書八萬卷。重複相採。貞觀中。魏徵虞世南顏師古等。請購天下書。選五品以上子孫工書者。爲書手。繕寫藏于內庫。元宗時。又借民間異本。傳錄命大府月給蜀郡麻紙五千。番季給上谷墨三百三十六。凡歲給河間景城清河博平四郡兔千五百皮。爲筆材。兩都各聚書四部。以甲乙丙丁爲次。列經史子集四庫。其本有正有副。軸帶帙籤。皆異色以別之。安祿山之亂。尺簡不藏。元載爲宰相。奏以千錢購書一卷。仍遣使括訪江之書復完。分藏于十二庫。迨黃巢之亂。存者復幾至昭宗播遷。蕩然無遺矣。甲部經類十一。一曰易。二曰書。三曰詩。四曰禮。五曰樂。六曰春秋。七曰孝經。八曰論語。九曰讖緯。十曰經解。十一曰小學。凡著錄四百四十家。



不著錄一百十七家。乙部史類十三。一曰正史。二曰  
編年。三曰偽史。四曰雜史。五曰起居注。六曰故事。七曰  
職官。八曰雜傳記。九曰儀注。十曰刑法。十一曰目錄。十  
二曰譜牒。十三曰地理。凡著錄五百七十一家。不著錄  
三百五十八家。丙部子類十七。一曰儒家。二曰道家。  
三曰法家。四曰名家。五曰墨家。六曰縱橫家。七曰雜家。  
八曰農家。九曰小說。十曰天文。十一曰曆算。十二曰兵  
書。十三曰五行。十四曰雜藝術。十五曰類書。十六曰明  
堂經。十七曰醫術。凡著錄六百九家。不著錄五百七  
家。丁部集類三。一曰楚辭。二曰別集。三曰總集。凡著  
錄八百十八家。不著錄四百八家。

高祖竇后

后父毅在周爲上柱國。尚武帝姊襄陽長公主。后生髮  
垂過頸。三歲與身等。讀女誡。烈女傳。一過輒不忘。武帝  
愛之。養宮中。異他甥。及隋高祖受禪。后自投床下曰。恨  
我非男子。不能救舅家禍。父遽掩其口曰。毋妄言。亦吾  
族常謂王曰。此女有奇相。何可妄與人。因画二孔雀屏  
間。請昏者使射。二矢陰約中目。則許之。射者閱數十皆

不合高祖最後射中各一目遂歸焉

河間王孝恭

孝恭少沉敏有識量高祖已定京師詔拜山南招討大使徇巴蜀下三十餘州進擊朱榮俘其衆諸將請坑之孝恭曰若獲之則殺後梁有降者乎悉縱之由是所至輒下奉命討輔公祿將發大饗士梧水忽變爲血坐皆失色孝恭怡然徐曰諸君勿憂吾仗威靈問罪杯中血安知非賊人授首象乎立取飲盡卒擒公祿嘗謂人曰吾所居頗壯麗要非我心當別營一區令粗足充事吾歿後子也才易以守不才不爲他人所利

隱太子建成

建成謀傾秦王不已高祖召王謂曰吾起晉陽平天下皆爾力將定爾東宮以爾亟讓故成爾美今觀爾兄弟終不相下吾欲令爾還洛陽自陝以東悉王之建天子旌旗如漢梁孝王故事王泣謝將行建成等謀口秦王得土地甲兵必爲患留之京師一匹夫耳因密使人語帝言王還洛必反宜勿遣事遂寢未幾王斃建成薨建戍自謂之云



巢刺王元吉

秦王有大功而太子建成不為中外所屬元吉心喜亂欲弑圖之乃構于太子曰秦王功德日盛為上所愛殿下雖太子位不安請為殺之太子初未忍元吉數諷許之時榮九思為王訃室作詩刺之有丹青飾成慶玉帛禮專諸之句而元吉弗悟也事果敗

霍王元軌

元軌好讀書善射尤有識略嘗以計走突厥于定州太宗問羣臣曰朕諸弟孰賢魏徵曰臣愚不能盡知惟數與霍王言臣未嘗不自失帝曰朕亦器之于前代孰比對曰經學文雅漢河間東平也至孝行曾閔不能過王嘗與處士劉元平為布衣交或問王所長于元平元平荅曰無長問者不解元平曰人有短乃見長王無所不備吾何以稱之

平陽公主

公主下嫁柴紹高祖起義王居長安紹謂曰尊公有大舉我欲往恐不能偕奈何王曰君行矣我自為計紹既發王乃散家貲招南山亡命得數百人自將以應帝于

通蓋平諸劇賊略地至武功勒兵七萬威鎮關中尋會  
秦王于渭北已紹及王對置幕府分定京師時號娘子  
軍武德六年王薨慈詔加鼓吹太常議婦人墓古無鼓  
吹帝曰鼓吹軍器也王身執金鼓參佐命古有是耶卒  
用之

屈突通

通故以清節著秦王西入通率兵援長安爲劉文静所  
破或說之降通曰吾荷隋厚恩事二主安可逃難獨有  
以死報國耳居恒每自摩其頸曰要當爲國家受人一  
刀其訓勉士卒必流涕故力雖窮而人情爲之感動  
通既勢感高祖遣其家僮召通通立斬之其子壽復爲  
文静將竇琮所獲琮縱壽往諭使降通大呼曰昔與汝  
父子今讐也命左右射之京師已陷人無固志通知不  
免乃下馬南向再拜號哭曰臣力屈兵敗不敢負陛下  
遂被擒已見帝帝曰忠臣也厚遇之通仕隋勤正犯  
決者雖至親無所回縱通弟蓋爲長安令亦嚴執時人  
爲之語曰寧食三斗艾不見屈突蓋寧食三斗蔥不逢



文靜獨儻有器略大業末爲曹陽令與宮監裴寂善寂  
夜見邏堞傳烽叱曰天下方亂吾將安舍文靜笑曰如  
君言是豪英所資也高祖鎮太原文靜知其有大志深  
自結既又見秦王謂寂曰唐公子非常人也豁達神武  
漢高祖魏太祖之徒與俄生李密姻黨繫獄秦王顧他  
無可與計大事者私入視之文靜喜挑言曰喪亂方亟  
非湯武高光不能定奈何王曰安知無人今過此非兄  
女子姁姁相憂直欲與君共大計耳遂相與定謀文  
靜進策秦王曰今上南幸江都兵填河洛盜賊蟄結大  
連州縣小阻山澤動以萬數須真主取而用之誠能投  
天會機奮櫟大呼四海不足定也今汾晉避盜者皆在  
文靜素知其豪傑一朝號召十萬衆可立致加公府兵  
數萬第下一令誰不願從鼓行入關以震天下王業成  
矣王笑曰君言正合吾意于是文靜更因裴寂以交于  
唐公寂以宮人私劫公皆文靜謀也唐公踐天子位  
擢文靜納言時多引貴臣共榻文靜諫曰今率土莫不  
臣而延見臣下言尚稱名帝坐尊嚴屈與臣子均席此

王導所謂太陽俯同萬物者也。帝曰：我雖應天受命，宿昔之好，何敢忘。公其無嫌。文靜自以才能過裴寂，遠甚。又屢有軍功，而寂位居其上，意不平。每論政多戾駮，遂有隙。嘗與弟文起飲，酣有怨言，拔刀擊柱曰：「當斬寂。」文靜妄失愛，告其兄上。遂下吏訊。帝用裴寂言殺之。文靜臨刑，撫膺曰：「尚烏盡！良弓藏，果不妄。」

秦瓊

瓊字叔寶，以字行。始為隋將來，護兒帳下卒。叔寶母喪，護兒弔之，吏恠曰：「士卒死喪，將軍未有所問，獨弔叔寶何也？」護兒曰：「是子才而武，志節完整，豈久處卑賤耶？」已歸，王世充為龍驤將軍，與程醴合計曰：「世充多詐，非撥亂主也。」于是同降高祖，皆賜瓊金。醴勞曰：「卿不歸妻于而來歸我，且又立功，使朕肉可食，當割以啖爾。」况子女王帛于從征，世充建德黑闥累戰必克，進上柱國。每臨敵，敵有驍將，銳士震耀出入，以誇衆。秦王輒命叔寶往取之，躍馬挺鎗，刺之萬衆中，靡不如志。程醴金，卽程知節。



靖字藥師，姿貌魁奇，通文史，有將畧。徵時，嘗謂所親曰：「大丈夫遭遇，要當以功名取富貴，何至作章句儒！」其舅韓擒虎每與談兵，輒嘆曰：「可語孫吳者，斯人也。」楊素見而奇之，自拊其牀，謂曰：「卿終當坐此。」牛弘亦以爲王佐才。高祖擊突厥，靖時爲馬邑丞，察其有非常志，輒自囚。上急變，傳送江都，已而高祖定京師，將斬之。靖呼曰：「公起兵爲天下除暴亂，而乃以私怨殺誼士乎？」秦王力爲請，乃得釋，大用之。

李勣

勣善用兵，能料敵應變，戰勝得金帛，盡散之士卒，而持法嚴，故人用命。臨敵選將，必其奇麗福艾者，或問故，荅曰：「薄命人不可與成功名。」病將革，召弟弼，謂曰：「我卽死，欲有言，吾見房元齡、杜如晦、高季輔皆辛苦立門戶，亦望詒後，悉爲不肖子敗之。我子孫今付汝，汝可慎察，有不勵言行、交非類者，急榜殺以聞，毋令後人笑吾猶吾笑房杜也。」未幾，子敬業起義，夷族。

李綱

安叱奴者，舞工也。高祖官之散騎，綱諫曰：「周家均工樂。」

胥不得預士伍雖復妙如師襄才如子野皆繼世不易業故魏武使禰衡擊鼓衡先解朝衣不敢以先王法服爲伶人褻也齊高緯封曹妙達爲王安馬駒開府此有國之鑒戒陛下新造王業功臣賞未及徧高才猶伏草莽而先令舞胡鳴玉曳組位五品趨丹地恐非貽厥孫謀之道帝不納

傅奕

武德初奕上疏極詆浮圖法曰西域之教無君臣父子以三塗六道欺嚇庸愚于是有身陷大惡而猶于獄中禮佛口誦梵言以圖倖免者今天下僧尼十萬陛下若以十萬之衆令相夫婦十年孽產十年教訓兵農兩足其利寧有旣乎帝下其疏議時蕭瑀進曰佛聖人也奕非聖非法請誅之奕曰佛迦父出家瑀非出空桑乃尊其教所謂非孝者無親瑀不荅但合掌曰地獄正爲是人設矣帝是奕議奕卒時年八十五方其病也未嘗問醫一日酣寢忽蹶然悟曰吾死矣夫卽自爲誌曰傅奕青山白雲人也以醉死嗚呼



高祖時詢爲給事中貌寢而工書初仿王羲之法後乃  
險勁過之因目名其體高麗嘗遣使求書帝嘆曰彼觀  
其書固謂形貌魁梧耶嘗行見索靖所書碑觀之去數  
步輒返如此者十數及疲乃布坐至宿其旁三日乃去  
癖嗜如此詢子通書亞于父號大小歐陽體褚遂良嘗  
問虞世南曰吾書何如智永荅曰彼一字直五萬君豈  
得此曰孰與詢曰詢不擇紙筆皆能如志君豈得此然  
則何如世南曰君若手和筆調固可貴尙通晚自矜重  
狸毛爲筆覆以免毫管皆象犀非是未嘗輒書

許胤宗

胤宗者精醫術仕陳爲新蔡王參軍王母病風不能言  
醫告術窮矣胤宗至曰餌液不可進請以黃耆防風煮  
湯數十斛置牀下令氣如霧熏薄之是夕語擢義興太  
守人或勸其著書荅曰醫特意耳思精則得之意所解  
口莫能宣也古之上醫要在視脈病乃可識病與藥值  
惟用一物攻之氣純而効速今人不善脈顧多藥物以  
幸有功卽一藥偶中它味相制力弗能專此難愈之驗  
也脈妙下不可傳虛著方劑無益

崔信明

信明生于五月五日，日方中，長而強，記博聞，嘗自矜其  
文過李百葉，議者弗許。時有鄭世翼者，亦驚侏，恍然忤  
物。一日遇信明江中，謂曰：「聞公詩有楓落吳江冷，願見  
其餘。」信明欣然多出示之。翼覽未竟，曰：「所見不如所聞。」  
輒投諸水，引舟去。

尉遲敬德

敬德名恭，以字行。初從劉武周，武周敗，同尋相歸國。已  
尋相叛，諸將併疑敬德，請殺之。秦王曰：「不然。敬德若叛，  
豈在尋相後耶？」為引見臥內，曰：「丈夫意氣相許，小嫌不  
足介智臆。我終不以浮言害良士。」因賜之金，曰：「如必去  
者，以此為資。」是日王與王世充戰，幾為賊將單雄信所  
窘。敬德躍馬大呼，橫刺雄信，墜馬。翼王出，王顧曰：「公何  
相報之速也？」仍賜金銀一篋。敬德戰善，避稍，每單騎  
入賊陣，雖刃刺之，不能傷也。又能奪取賊稍還刺之。齊王  
元吉使去刃與校，敬德請王加刃，而己獨去之。王卒不  
能中，帝嘗問奪稍與避稍孰難，對曰：「奪稍難，試使與齊  
王戲，少遇王，三失稍，遂大裸服。」



璵事太宗多規切一日進見有美人侍帝則本廬江王  
愛姬也帝指姬謂曰廬江不道賊其夫而納其室能不  
云乎璵避席曰陛下以廬江爲是耶非耶帝白殿已明  
言之乃問朕是非何也璵曰陛下知廬江之亡而姬仍  
在側竊謂陛下以爲是耳帝自失璵徵時與房杜善  
珪母李頗有人倫鑒嘗謂璵曰兒必貴然不知所與遊  
者何人武與偕來會房元齡等適過其家李闕之大驚  
勅具酒食懽盡日喜曰二客公輔器汝貴不疑

薛收

收與族兄德音從兄子元敬才名相埒世稱河東三鳳  
收爲長雛德音爲鸞鸞元敬年最少爲鴛鴦是時收與  
房杜處腹心之寄更相結附而元敬謹畏未嘗申款曲  
如勝每嘆曰小記室不可得而親不可得而疏蓋收與  
元敬俱爲參軍直記室故稱小記室

馬周

周善敷奏機辨明銳動中寒素帝每曰吾頃不見周卽  
思之岑文本嘗曰馬君論事會文切理無一言可損益

聽之纒纒令人怠倦蘇張終賈正應此耳然鸞肩火色  
騰上必速恐不能久帝嘗以飛白書賜周曰鸞鳳冲霄  
必假羽翼股肱之寄要在忠力周病消渴帝每詔上藥  
視護且躬爲調藥太子問疾疾甚悉取平日奏稿焚之  
曰管晏暴君過取身後名詔不爲也既卒帝思之甚至  
假方士術求見其儀容

劉洎

太宗嘗好持論與公卿言事必往復詰難洎諫曰帝王  
臣庶相若凡庸等級遼邇課愚對聖持早抗尊陛下卽  
降慈旨假柔顏猶恐羣臣惴縮不敢進况以神機天機  
節詞援古而追其議哉且多記損心多言耗氣心氣內  
損形神外勞初雖無覺久且爲弊帝手詔答曰非慮無  
以臨下非言無以述慮驕人輕物恐由據論致之若形  
神心氣不爲勞也

閻立本

立本故善畫太宗嘗泛舟春苑池見異鳥容與池上悅  
之詔侍臣賦詩而名立本侔其狀時閣外傳呼畫師  
立本立本至俯伏池頭研吮丹粉望諸侍臣羞赧流汗



歸戒其子曰吾少讀書文辭不減餘輩今獨以面見名  
與廝役等若曹慎毋習然性所好雖被訾屈終不能罷  
也已入爲右相會姜怡以戰功擢左相一時遂有左相  
宣威沙漠右相馳譽丹青之嘲

### 虞世南

世南虞勢子與兄世基同受學于顧野王積十年精思  
不懈至累旬不輟沐文章婉綽雅慕僕射徐陵世基文  
過世南而略博不及但名重當世議者方之二陸先在  
煬帝時世基佞敏得君日貴盛妻妾被服擬王者而世  
南躬貧約不改其初世南嘗學書于浮圖智永精其法  
遂爲世寶云

### 長孫無忌

貞觀中帝嘗從容謂無忌曰人苦不自知公宜而攻朕  
失朕當先評公等瑕瑜高士廉心術警悟臨難不易節  
所乏者骨鯁唐儉善和解人然事朕二十年未嘗一言  
國家事揚師道謹審無過而儒不更事緩急不可倚岑  
文本文章議論是其所長謀慮經遠自常不負于心劉  
洎堅正不輟然諫能自補闕馬周敏銳直道而行所任

足稱朕意。褚遂良、劉洎、有學術，竭誠以親朕。若飛鳥依人，人自憐愛之，無忌應對機敏，善避嫌，求于古人，罕得其匹。然總兵攻戰，非所長也。諸臣皆頓首謝。

呂才

貞觀初，上病陰陽家所傳書多謬，僞淺惡，世益拘畏。命才與宿學老郎刪落煩詭，撮其可用者，爲五十三篇。合舊書四十七，凡百篇。詔頒天下，其祿命篇曰：「世有同建，與祿而貴賤殊，其命若胎而天壽異。」故長平坑降卒，非俱犯三刑，南陽冬近親，非俱當六合。魯桓公六年七月，子同生，是爲莊公。按曆歲在乙亥，月建申，然則值祿空亡。據法應窮賤，又觸勾絞六害，皆驛馬身，尅驛馬三刑。法無官，命火也。生當病鄉，法曰：「爲人應弱性陋。」而詩言莊公曰：「狗噬昌兮。」頤而長公美目揚兮。巧趨踰兮。唯向命一物，法當壽，而公歲止四十五，一不驗。秦莊襄王四十八年，始皇帝生。子正月，故名政。是歲壬寅正月，命偕祿于法無官，假得祿奴婢，應少又破驛馬三刑，身尅驛馬。法望官不到，命金也。正月爲絕，無始有終，老而吉又建命生，法當壽，帝崩時不過五十二，不驗。漢武帝以乙



西歲七月七日平旦生當祿空亡于法無官雖向驛馬  
乃隔四辰法少無官老而吉武帝卽位年十六末年戶  
口減絕三不驗後魏孝文生皇興元年八月是歲丁未  
爲背祿命與驛馬三刑身尅驛馬于法無官又生父死  
中法不是父而孝文受其父禪四不驗宋高祖癸亥三  
月生祿與命皆空亡于法無官又生子墓中法宜嫡子  
雖有次子當早卒而高祖長子先被弑次子義隆享國  
又生祖祿下法當嫡孫財若祿其孫劼濬皆篡逆五不  
驗其葬篇曰經言墓者藏也欲人之不得見也後代  
葬說出于巫史一物有失便謂災及死生多爲防禁以  
售其術附妄憑妖其書乃有百二十家春秋王者七日  
而殯七月而葬諸侯五日而殯五月而葬大夫三月士  
庶人逾月貴賤不同禮亦異數此直爲赴弔遠近之期  
量事制法故先期而葬謂之不懷也後期不葬謂之殆  
禮也此則葬有定期不擇年與月一也又曰丁巳葬定  
公雨不克葬至于戊午襄事君子善之禮卜先遠日者  
自末而進避不懷也今法已亥日用葬最凶春秋是日  
葬者二十餘族此葬不擇日二也今法葬家多取乾艮

二時乃近夜半。文與禮乖。按禮周尚赤。大事用旦。殷尚白。用日中。夏尚黑。用昏。此直取當代所尚。不擇時早晚也。鄭卿子產及子太叔墓簡公。于是司墓大天室當柩路。若壞其室。卽平旦而朔。不壞其室。卽日中而朔。子產不欲壞室。子太叔曰。若日中而朔。恐久勞諸侯。大夫來會墓者。然子產太叔不問時之得失。惟論人事。可否而已。此墓不擇時三也。經曰。立身行道。揚名于後世。以顯父母。而法曰。官爵富貴。墓可致也。年壽修促。子姓蕃衍。墓可格也。夫臧孫有後于魯。不聞墓得吉。若敖絕嗣于荆。不聞墓得凶。此墓有吉凶。不可信四也。今法皆據五姓爲之。古之墓。並在國都之北。趙氏之墓在九原。漢家山陵。或散處諸域。又何上利下利。大墓小墓爲哉。然劉之子孫。本支不絕。趙後與六國等王。此則墓用五姓。不可信五也。且人有初賤而後貴。始泰而後否者。子文爲令尹。三仕三已。展禽三黜于士師。彼家墓已定。而不改此名位。不常何也。故知榮辱升降。專關諸人。而不由于墓六也。世之人爲墓。巫所欺。妄期徼幸。于是相塋隴。希官爵。擇日時。規財利。謂辰日不哭。欣然而受。明謂同。



不得臨墳吉服避送其親詭敦禮俗不可以法七也

谷那律

律淹識羣書褚遂良重之稱為九經庫嘗從太宗出畋遇雨沾漬帝問曰雨衣若為可無漏律對曰以瓦為之當不漏帝嘉其直

李淳風

太宗時淳風直太史局上得祕識言唐中弱女武代王以問淳風對曰其兆已成人且在官中矣又四十年而王王而夷唐子孫殆盡帝曰求而殺之奈何對曰天之所命不可去也王者不死徒使疑似之戮及于無辜且陛下所親愛四十年而老老則仁雖受終易姓而不能絕唐若殺之復生壯者則陛下子孫無遺種矣帝用其言止未幾則天驗淳風于占候若有鬼神相之非學可致人莫能測也

裴行儉

行儉有人倫鑒在吏部時見蘇味道王勣謂曰二君後皆掌銓衡時王勃楊炯盧照鄰駱賓王才名甚籍或引示行儉儉曰士先器識勃等雖有才而浮躁銜露豈享

爵祿者炯稍沈默可至令長餘皆不得死已一一驗

薛仁貴

仁貴起自耕農將改葬其先妻柳氏曰夫有高世之才  
今天子自征遼東求猛將君盍功名以自顯富貴還鄉  
墓未晚也仁貴乃往見將軍張士貴自是每戰輒捷位  
至領軍大總管名震異域烏海之役坐失事貶象州已  
突厥入寇召還擊突厥師至象州虜問曰唐將謂誰曰  
薛仁貴虜曰吾聞薛將軍流象州死矣何給我仁貴爲  
脫稍鑿見之虜相顧驚下馬羅拜尋解遁去仁貴每  
戰必白袍以自標一日與宴內殿帝謂曰古善射有穿  
七札者卿試以五甲射仁貴一發洞貫帝大驚時九姓  
衆十餘萬寇邊先遣驍騎挑戰仁貴發三矢輒殺三人  
于是虜氣懾悉降潰軍中歌曰將軍三箭定天山壯士  
長歌入漢關九姓自是遂衰

員半千

高宗御武成殿問兵家何謂三陳衆未對半千進曰古  
以星宿孤虛爲天陳山川向背爲地陳編伍彌縫爲人  
陳臣謂不然夫師以義出浦若時雨順天時是天陳也



近食約費且戰且耕古地利地陳也舉三軍士如子  
從父兄得人和是人陳也帝曰善半千歷事五君清白  
一節以山水自放遊堯山樂之遂定居焉卒年九十四

上官昭容

昭容名婉兒性韶警善文翰中宗昵之羣臣章奏無不  
與聞與武三思通故詔書必右武氏而抑唐帝嘗數引  
名儒賜宴賦詩君臣廢利帝后及長寧王安樂王作大  
都昭容代也又為差第羣臣所作已乃營外宅與崔湜  
亂引湜知政事而穢夫求刷職者爭候門下矣臨淄王  
入斬之闕下

蘇瓌

瓌父子相繼為宰相襲封許公帝嘗言前世李嶠蘇  
味道文擅當時號稱蘇李今朕得瓌與李又對掌書命  
亦何愧前人時張說亦以文章顯與瓌相望略等故又  
號燕許大手筆帝愛其文謂曰卿所撰詔令可別錄副  
本署臣某撰朕當留中自後遂為故事

張易之

易之昌宗兄弟也皆以美姿得幸武后每傅朱粉衣純

綺出人禁中，寵震天下。朝貴爭造其門，號易之五郎。昌宗六郎。后每宴集，則二張諸武雜侍，博爭道爲笑樂。淫盛顯行，無復羞畏。時諂附者，倡言昌宗爲王子晉後身，后因使被羽裳，吹簫乘禽鶴，徘徊庭中，作仙去狀。詞臣爭賦詩爲媚。

狄仁傑

武后欲以武三思爲太子，問宰相莫敢對。仁傑曰：「臣觀天人未厭唐德，比匈奴犯邊，陛下使三思募兵，踰月不反。于今而廬陵王代之，一呼輒五萬大校，可知矣。今欲嗣統，非廬陵王不可。后怒罷之。召謂曰：「朕數夢雙陸不勝，何也？」對曰：「雙陸不勝，蓋爲無子。天其儆陛下乎？」夫姑姪與母子孰親？陛下立廬陵，則千秋萬歲當享宗廟。三思立，姪寧附姑于廟乎？后乃感悟，即日迎歸廬陵王。王至，后匿之帳中，召見仁傑，語廬陵事。仁傑至泣下，后乃使王出，曰：「還爾太子。」

安金藏

睿宗爲皇嗣時，有誣以異謀者。武后詔來俊臣問狀。左右畏慘，楚將引伏。太常工安金藏獨大呼曰：「公不信吾



言請剖心以明皇嗣不反遂引佩刀自刺腹中腸出破地駭而亡武后聞大驚輿至禁中命醫納腸就桑社飲之閱夕而蘇后臨視嘆曰吾有子不能自明賴爾忠以免當是時朝士咸高其誼神龍初金藏墓母親管石墳晝夜弗息廬墓側甘泉忽湧李亦冬花大鹿相擾本道使廬懷慎上其事明皇以付史官

### 武攸緒

攸緒則天子之兄子好易莊子書少變姓名賣卜長安市得錢輒委去白后擅制前後累封王俱固辭后疑其詐許之以覘其所爲攸緒結廬嚴下如素遁者盤桓龍門少宰聞冬蔽茅椒夏居石室所賜金銀鎔厨及王公所遺鹿裘素障至塵積卒不御市田穎陽使家奴雜作自混于民晚年肌肉消青瞳有紫光晝能見星中宗嘗以璽書迎之將至敕有司卽兩儀殿設位行問道禮詔見日出岐葛巾不召不拜攸緒至更冠帶入舍人贊就位攸緒竟就常班再拜帝愕然禮不及行爲之嘆息俄而諸武禍及攸緒獨超然

### 武平一

### 唐書

世

文會

平一以博學聞仕兼修文學士時崔日用自言明左氏春秋諸侯官族他日學士大集請與平一言經崔曰魯三桓鄭七穆奈何平一荅曰慶父叔牙季友桓三子也孟孫至彘凡九世叔孫舒季孫肥凡八世鄭穆公十一子子然及二子子孔三族亡子羽不爲卿故稱七穆子季子驕子良子國子游子卯子豐也一坐驚服平一還問曰齊桓楚莊時諸侯屬齊楚凡幾平公靈王時諸侯屬晉楚凡幾晉六卿齊楚執政幾何人崔謝曰吾不知吾能知乎平一條其始末具悉崔乃曰吾請北面一坐大笑

王勃

勃字子安六歲能屬詞九歲讀顏師古漢書注作指瑕以過其六年未冠對策高第等以事斥廢客劍南道出鍾陵九月九日都督某大宴殊王閣宿命其婿某作閭序將以誇客因卽席出紙筆徧請客莫敢承至勃亢然不辭都督怒起更示遣使伺其文輒報一再報語益奇乃矍然曰天才也請遂成文因灑罷勃蜀文初不情思先磨墨數升則酣飲引其長袖以及案援筆立成不易



一字勃兄勳弟助皆著才名杜易簡稱為三珠樹勃與楊炯盧照隣駱賓王齊名世稱王楊盧駱為四傑炯嘗曰吾媿在盧前恥居王後知文者以為然勃以省父渡海溺悸而卒時年二十九

### 駱賓王

賓王七歲能文武后時數上疏言事除臨海丞鞅鞅不得志棄官去徐敬業起兵傳檄天下斥武后罪狀文出賓王手后讀之但嘻笑至一抔之土未乾六尺之孤安在矍然曰誰為此或以賓王對后曰宰相安得失此人敬業敗賓王亡命不知所之中宗詔求其文得數百首崔融嘗評勃等文曰勃文章宏放非常人所及炯照鄰可以企之張說曰不然盈川文如縣河酌之不竭優于盧而不減王恥居後信然愧在前謙也開元中說與徐堅論近世文章說曰李嶠崔融薛稷宋之問文如良金美玉無施不可富嘉謨如絕嶺孤峰壁立萬仞濃雲鬱興震雷勃發誠可畏也若施于廊廟駭矣閭朝隱如麗服靚粧燕歌趙舞觀者忌疲然不可類之風雅堅問今世奈何說曰韓休之文如太羹元酒有典則薄滋味

許景先如豐肌膩理雖濃華可愛而乏風骨張九齡如素練輕縑實濟時用而窘邊幅王翰如瓊盃玉竿雖爛然可珍而多玷缺堅謂篤論云

袁天綱

武后幼時天綱嘗見其母曰夫人法生貴子因見二子元慶元爽曰官三品保家主也見韓國夫人曰此女貴而不利夫時后最幼姆抱持出給以男天綱視其步與目曰龍瞳鳳頸極貴徵若爲女當作天子高士廉嘗問曰君當終何官謝曰僕及夏四月數且盡矣如期以火山令太子客師精父術高宗嘗置一鼠于匭令術家射之皆曰鼠客師獨曰雖實鼠然入則一出則四發之鼠生三子師嘗渡江叩舟而還左右問故曰舟中人鼻下氣皆墨不可濟俄有跛男子就舟客師曰貴人在吾可濟矣中流風忽起舟幾覆得免跛男子則婁師德也

索元禮

元禮性殘虐武后將除異已者元禮揣知旨卽上書告急變因爲制獄作鐵籠繫囚首加以楔囚或至腦裂死又橫木關手足轉之號颺起或紡囚梁上鋸石于頸訊



一囚必牽連至數百自是來俊臣周興遂踵起後坐受  
賊下吏更訊之不服曰取公鐵籠來乃服死獄中

### 來俊臣

俊臣與朱南山輩作羅織經一篇按以從事凡鞠囚必  
注醢于鼻掘地爲牢寢以匭溺又作大枷十各爲號一  
定百脈二喘不得三突地吼四著卽承五失魂膽六實  
同反七反是實八死猪愁九求卽死十求破家後爲諸  
武所構詔斬西市死之日人爭抉其目隨其肝醢其肉  
須臾立盡仍以馬踐其骨無孑餘

### 周興

興俊臣黨也天授中人告興反詔俊臣鞠狀興時未即  
被告方與俊臣對食俊臣曰囚多不服奈何興曰易耳  
內之大甕中熾炭圍之何事不承俊臣曰善命取甕且  
熾火徐謂興曰有詔按君請嘗之興駭汗卽頭服罪請  
嶺表未幾爲怨家所殺

### 郭弘霸

弘霸自陳往討徐敬業臣誓抽其筋食其肉飲其血絕  
其髓武后大悅擢御史大夫時號四其御史按刺史李

思徵極慘毒思徵死爲厲竟自拔刀剝腹死是時大旱忽雨又洛陽橋久壞新成后一日問羣臣外有佳事否郎中張元曰比有三慶旱而雨洛陽橋成弘霸死

楊貴妃

妃字太真本壽王妃自武惠妃薨宮中無當意者或言如美帝召入一見異之遂別爲壽王聘而自內妃如解歌舞善迎帝意寵遂專房宮中號娘子妃嗜生荔枝帝爲走數千里疾致之色味依然未變也妃嘗以譴還兄鉅策是日比中仄帝尙不食怒咎左右高力士欲驗帝意乃白以供帳酒餼百餘車送妃所帝喜賜力士御膳力士知旨是夕卽請召還妃帝撫慰良渥已復得譴還外策兄國忠計以詔動帝帝意動詔中人張韜光輟御食賜妃妃因韜光謝曰妾罪當萬誅然髮膚外皆上賜也今且外無以報卽引刀斷髮一縷奏之曰以此留訣帝見駭愕立召還遇之如初馬嵬之厄以紫茵裹尸瘞道側其後帝密令中使治塋具啓瘞故香囊猶在中人以獻帝爲悽感流涕命工貌妃于別殿朝夕往必獻欬

宋景



中宗時，羣月將告武三思亂宮掖，三思颺有司諭月將大逆，詔誅之。璟請付獄按罪，帝岸巾出側門，謂璟曰：「朕謂已誅，尚何請？」璟曰：「人言后私三思，陛下不問，即斬之，臣恐有外議，必按而後刑，乃可服天下。」帝愈怒。璟曰：「必誅月將者，請先誅臣，不然終不奉詔。」帝乃流月將嶺南。開元初，璟都督廣州，廣人以竹茅茨屋，多火。璟教之陶瓦，築堵，列邸肆，粵俗始知棟梁之利。其他惠政種種已自廣還，廣人請立遺愛碑。璟上言：「碑所以誌功德，臣治不足紀，廣人徒以臣當國，故爲溢詞。」世競諂諛，臣正欲釐正之，請自臣始。有詔許停。璟既卒，張嘉貞入相，閱堂案，見其冠言切議，未嘗不嘆息失聲也。

張九齡

九齡，字明皇，爲中書令。李林甫忌之，會上欲擢張守珪侍中，九齡諫止。已欲進牛仙客，尚書復諫，欲賜實封，又力爭。帝怒曰：「豈以仙客寒士嫌之？」卿固有門閥哉。九齡頓首曰：「仙客起胥吏，目不知書，韓信淮陰一壯夫，猶羞與絳灌列。臣實不願與仙客伍。」帝不納。九齡既爲林甫所忌，心危之。適帝賜白羽扇，乃獻賦以識意，其末云：

苟効用之得所雖殺身而何忌又云縱秋風之零落終  
感恩于篋中帝雖優詔荅之卒罷故事公卿皆檮笏于  
帶而後乘馬九齡獨使人持之因設笏囊笏囊自九齡  
始初安祿山自花陽徧校人奏九齡一見即謂裴光  
庭曰亂幽州者必此胡雛也及討奚契丹敗九齡署其  
狀曰軍法若行祿山不容免死帝曲赦之九齡曰祿山  
有逆相留之恐爲後患帝曰卿無以王衍知石勒而害  
忠良帝後入蜀思其言爲泣下乃遣祭詔州當是時天  
下稱曲江公而不名

張嘉貞

宋璟罷相帝欲用嘉貞而忘其名夜詔中書侍郎韋抗  
曰朕嘗記一人今爲北方大將張姓而複名者其風操  
可想而名不能憶卿爲我思之抗曰非張齊丘乎今爲  
朔方節度使帝即作詔以爲相夜且半適閱大臣表疏  
舉一則嘉貞疏也得其名即擢同平章事遷中書令子  
延賞德宗朝以西川節度使入相延賞子弘靖亦入相  
時號三相張家其所居坊曰鳴珂里



明皇時堅以聚斂術擢陝郡水陸運使堅欲通漕道乃壅渭爲堰絕灞澮而東注永豐倉下復與渭合初澮水街苑左有望春樓堅于樓下鑿潭以通漕帝爲升樓詔羣臣並臨觀堅豫取洛中山東小斛舟三百貯之潭篙工柁師皆大笠後袖芒屨爲吳楚服每舟署某郡卽以某郡物產暴陳其上廣陵則錦銅器官端綾繡會稽則羅綾絳紗南海瑋瑁象齒珠琲沈香豫章則力士薏飲器茗鎚釜宣城則空青石綠始安則蕉葛胡膽翠羽吳郡則方文綾船皆尾相銜數十里不絕關中不識蓬檣挾檣觀者駭異帝大悅擢堅左散騎常侍名其潭曰廣運

### 顏杲卿

杲卿守常山史思明攻之杲卿晝夜戰糧矢竭六日城陷遂被執賊脅降不應乃取其少子季明加刃頸上曰降活若子杲卿仍不應遂殺季明送杲卿于祿山祿山怒杲卿瞋目罵曰汝本營州牧拿羯奴竊荷恩寵天子何負汝而反吾世爲唐臣恨不喋汝以謝上乃從爾反耶祿山大怒縛之天津橋柱節解之杲卿罵不絕賊鉤

斷其舌曰復能罵否乃含糊而死時同被執者爲袁履謙死時亦先斷手足謙咀血噴賊面賊轡之果卿旣被害狗首于衢莫敢收有張湊者得其髮持謁帝爲賜祭湊後歸髮于其妻妻疑之髮忽動

杜甫

甫字子美負才放曠好論天下事高而不切與李白齊名時稱李杜明皇朝獻賦三篇帝奇之拜胄曹參軍因數上言高自稱許會祿山亂天子入蜀甫羸服走三川往依嚴武武以世舊頗見親待而甫褊躁誕傲嘗醉登武牀睨視曰嚴挺之乃有此見武銜幾殺之左右白其母奔救得免大曆中出瞿塘下江陵泝沅湘登衡山因客耒陽大水驟至涉旬不得食縣令具舟迎之饋牛炙白酒大醉一昔卒

李白

白字太白生時母夢長庚星因名焉初與孔巢父諸人隱岷嶺山號竹溪六逸贊知章奇其文謂爲謫仙人言之明皇卽召見金鑾殿論當世事奏頌一篇帝賜食親爲調羹有詔供奉翰林猶從酒徒醉市上帝一日坐沈



香亭有感欲得白爲樂章召入而白已醉左右以水灌面稍解援筆成文婉麗精絕帝愛其才每宴必召入侍嘗以醉使高力士脫鞵力士忿詭之貴妃白知不爲親近所容遂與知章等八人縱飲號酒中八仙懇求還山放遊四方嘗乘舟與崔宗之自采石至金陵著宮錦袍坐舟上旁若無人晚好黃老度牛渚磯至姑孰悅謝家青山將終焉及卒塋東麓

張旭

旭吳人性嗜酒精書法每大醉呼呌狂走乃下筆或以頭濡墨而書旣醒自視以爲神不可復得也世呼張顛初仕爲常熟尉有老人陳牒求判宿昔又來旭怒其煩老人曰公筆奇妙欲以藏家耳旭因問所藏盡出其父書示之天下奇筆也自是盡其法自言始見公主擔夫爭道又聞鼓吹而得筆法意觀倡公孫舞劍乃得其神後人論書歐虞褚陸皆有異論至旭無非短者傳其法惟崔邈顏真卿云文宗時詔以李白歌詩裴旻劍舞張旭草書爲三絕

王維

維字摩詰九歲屬文與弟繙齊名擢進士官尚書右丞  
年六十一疾甚作書與繙別停筆而化維工草隸善圖  
名盛于開元天寶間寧薛諸王尊若師友回思入神至  
山水平遠雲勢石色繪家以爲天機所到學者不及也  
兄弟皆倭佛別墅在輞川地奇勝有華子岡欽湖竹里  
館柳浪軒茱萸泝辛夷塢日與裴迪遊其中賦詩爲樂  
喪妻不娶孤居三十年母亡表輞川第爲寺終塋其西

張果

果不知何許人隱中條山往來汾晉間世傳數百歲人  
也賦后時遣使召之卽死後復見恒山中明皇時再以  
璽書邀至命肩輿入宮帝親問治道神仙事語秘不傳  
果善息氣能累日不食數御美酒嘗云我生堯丙子歲  
位侍中時有邢和璞者善知人壽夭師夜光者善視鬼  
帝台美推果生死惜然無端更召果密坐使夜光視之  
不見果所在帝益神之欲以玉眞公主降果未言也果  
一日忽謂人曰諺言娶妻得公王平地生公府是大可  
畏人惟其語不倫俄使者至傳詔曰王眞公主欲降先  
生果笑不奉詔辭還山詔可賜號通元先生每川解去



安祿山

祿山營州柳城胡也。生時光祿窮廬，野獸皆驚。及長，忤忍多知。知天寶中，以范陽節度擊契丹還，奏夢李靖、李勣向臣求食。旣蒙寵任，帝令見皇太子，不拜。左右撻之，故問曰：「皇太子何官？」帝曰：「我百歲後當付以位。」謝曰：「臣愚知陛下不知太子罪當死。」楊貴妃有寵，祿山請爲妃養子。拜必先妃，帝恠之，曰：「蕃人先母後父，其權譎多類此。」晚益肥，腹緩及膝，奮兩肩，若挽牽者，乃能行。每乘驛入朝，必半道易馬，號大夫換馬臺。不爾，馬輒仆，及作胡旋舞，帝前又捷疾如飛也。帝爲起第京師，戒必極侈。歷曰：「祿山眼孔大，毋令笑我填卒亂天下。」祿山旣爲御史大夫，勢遂與李林甫埒。然心畏林甫，每見未嘗不磬折。林甫善揣人意，每與語必迎剖其端。祿山大駭，以爲神。雖盛寒時流汗也。林甫復陽厚之，引至中書覆以已袍。祿山德林甫，呼十郎駱谷，每奏事還，先問十郎何如有好言，則喜。若言大夫好檢校，則反手據牀曰：「吾且死。」優人李龜年每爲帝學之，帝輒大笑。已見殺于子慶緒，慶緒之爲史思明逼也，遣使奉皇帝璽綬，讓思明。思明

陽約爲兄弟請之出歃血盟而陰令軍中環甲以待慶緒至再拜伏地謝曰臣不克負荷棄兩都不意大王以太上皇故暴師遠來臣罪惟大王圖之思明憲曰兵利不利何足論若爲人子而殺父求位更何辭吾乃爲太上皇計賊命斬之時周萬志進曰慶緒既來矣宜賜死乃縊殺慶緒

張鎬

鎬有大志視經史猶漁獵然好王霸大略居恒嗜酒鼓琴自娛人或邀之卽杖策往醉卽返語不及世務天寶末賊圍睢陽張巡告急鎬倍道進檄濠州刺史閻丘曉趣救曉逗留不前比至淮而巡已陷鎬怒杖殺潮鎬起布衣纔二朞而至宰相蓋望實致之云

張巡

祿山反楊萬石以譙郡降通巡使西迎賊巡率吏士哭于元元皇帝祠遂起兵討賊賊圍雍丘令令狐賊舉城附賊巡乘間復城屠潮妻子磔之城上潮忿甚合衆四萬薄城攻圍六旬是時王命不復通大將六人入白曰勢不敵且上存亡莫知不如降六人者皆官開府捧進



矣巡陽諾明日爲設天子圖像于堂上率軍士朝人人泣下巡乃引六將至責以大義盡斬之士心益感奮賊圍睢陽巡與許遠合兵固守經數十戰皆以寡敵衆無不一當千圍既久城中食盡巡乃出愛妾謂諸將曰諸君經年乏食而忠義不少衰吾恨不割肌以啖衆寧惜一妾不以充士餒乎乃殺妾爲大饗坐者皆泣不下咽巡強令食之時許遠亦殺其奴以哺卒至羅雀掘鼠煮弓膠而士莫有叛者南霽雲還自賀蘭所賊知援絕攻益急巡士皆病不能戰巡乃向西拜曰臣力竭矣生不能報陛下死當爲厲鬼以殺賊城遂陷巡被執賊將尹子琦謂巡曰聞公督戰大呼輒背裂血面嚼齒皆碎何至是荅曰吾欲氣吞逆賊耳子琦怒以刀抉其只齒僅存三四尋遇害巡旣死大曆中巡子去疾上書曰胡孽南侵父巡與睢陽太守許遠各守一面城陷賊所入自遠分巡及校三十餘皆割心剖肌慘毒備盡而遠與麾下無傷巡臨命嘆曰嗟乎人固有可恨者賊曰公恨我乎荅曰賊何足恨恨遠心不可得耳我死若有知當不赦遠地下然則國威挫衄使巡功業墮敗皆遠

也臣于遠不共戴天請追奪官爵以刷冤恥事下尚書  
議卒寢之後韓愈著論爲遠辨誣議乃定

### 南霽雲

霽雲少微賤爲人操舟睢陽始被圍巡築壇募死士數  
日莫敢應俄有暗鳴而來者乃霽雲也對巡卽泣下是  
時賀蘭進明屯臨淮巡使霽雲往請師進明頗無出師  
意愛霽雲友欲畱之爲大饗樂作霽雲泣曰睢陽士不  
粒食已彌月吾何忍獨享雖食弗下咽也請置一指以  
示信歸報中丞因拔佩刀斷其指一坐大驚爲出涕霽  
雲旣出抽矢回射佛寺浮圖曰吾破賊還必滅賀蘭此  
矢所以志也已城陷與巡俱被執賊招霽雲降雲未應  
巡呼曰南八男兒死耳不可爲不義屈霽雲笑曰欲將  
有爲也公知我者敢不死遂與三十六人同遇害時有  
雷萬春者亦巡偏將也賊圍雍丘萬春立城上與潮語  
伏弩發面著六矢萬春不動潮疑木刻人已謀得其實  
大驚遙謂巡曰向見雷將軍知君節制矣

### 張志和

肅宗朝志和待詔翰林遭親喪遂不復仕浪跡江湖自



稱爐波釣徒所居室茨以生草椽棟不施斤斧豹席櫟  
屬喜垂釣不設餌觀察使陳少游往見爲終日留表其  
居曰元真巷曰回軒門阻流水少游爲之梁號大夫橋  
帝嘗賜奴婢各一志和配爲夫婦各其夫曰漁童妻曰  
樵青陸羽嘗問孰與往來者對曰太虛爲室明月爲燭  
與四海諸公共處未嘗少別有何往來謁顏真卿于湖  
州真卿以其舟敝漏請更之荅曰願爲浮家泛宅不必  
更也善圖山水酒酣擊鼓吹笛嘗撰漁歌紙筆輒成憲  
宗求其歌不可得

賀知章

知章字季真性夷曠與姑子陸象先善象先嘗言季真  
風流吾一日不見則鄙吝生自證聖初歷元肅二朝積  
官祕書監而晚節邀嬉誕放自號四明狂客每醉輒屬  
詞善草隸好事者具筆硯從之意愜卽不復拒紙纔數  
十字世傳以爲寶天寶初知章夢遊帝所數日寤乃請  
爲道士詔許之捨宅爲千秋觀卽居之又求周宮湖數  
頃爲放生池有詔賜鏡湖剡川一曲旣行帝賜詩皇太  
子百官爲之餞送

陸羽

羽字漸鴻，竟陵人。不知其所生，或言有僧得之水濱，歸畜之者，既長，以易自筮，得蹇之漸，曰：鴻漸于陸，其羽可用爲儀，因以爲名氏。其師令執糞除，又使牧牛三十，羽潛以竹畫牛背學書，得張衡南都賦，不能讀，危坐効羣兒囁嚅狀，師拘之，令薙草莽，當其記文字，憤憤若遺過日，不作，王者鞭之，因亡去。天寶中，太守李齊物見而異之，授以書，上元初，隱苕上，自稱桑苧翁，闔門著書，或獨行野中，誦詩擊木，裴徊不得意，則慟哭而返，時謂爲接輿也。

郭子儀

子儀與李光弼齊名，而得人心過之，其歲入官俸，無慮二十四萬緡，宅居親仁里，四分之一，中通永巷，家人三千，出入不知其前後，賜良田美器，及各園里，館不勝紀，代宗呼爲大臣而不名也。授中書令，歷二十四考，八子七婿，皆貴顯，諸孫數十，不能盡載，旦夕問安，但頷之而已。麾下宿將數十，皆王侯貴重，而子儀顧指進退之，若部曲然，幕府六十餘人，皆爲將相。



李泌

德宗時太子妃蕭母部國夫人以盡嫡幽禁中帝怒貴  
太子太子不知所對泌入帝數稱舒王賢泌揣知帝意  
將廢立因曰陛下有一子而疑之乃欲立弟之子帝赫  
然曰卿何知舒王非朕子對曰陛下昔嘗為臣言之夫  
有嫡子而猶為疑弟之子敢自信于陛下乎帝曰卿不  
顧家族耶對曰臣死位宰相以諫誅分也使太子廢他  
日陛下悔曰吾惟一子殺之泌不我諫我亦殺泌子則  
臣祀遂絕雖有兄弟子非所歆也即噫鳴流涕帝悟太  
子乃得安

沈既濟

既濟有良史才官修撰時吳兢撰國史為武后本紀既  
濟議請省之合中宗紀每歲首必書曰帝在房陵太后  
行某事某事則名實兩得矣若后之姓氏名諱崩塋日  
月才藝智略皆宜入皇后傳題其篇曰則天順聖武皇  
后時雖不用其議識者是之

顏真卿

真卿字清臣初為監察御史嘗使河隴五原有寇獄久

不決。天且旱，真卿至立辨之。郡人呼爲御史雨，已爲平原太守。知安祿山必反，乃陽託霖雨，急增埤繕障儲廩，料材而日與賓客泛舟宴飲，以紓祿山之疑。祿山果目爲書生不疑也。及反，河南盡陷，平原獨全。疾使參軍李平馳奏，明皇始聞亂，嘆曰：「河朔二十四郡，無一忠臣耶？」及得奏，喜曰：「吾不識顏真卿何如人，所爲乃若此！」解山旣破，東都殺李愷，盧奕將清而傳其首河北，以徇諸郡。真卿恐動衆，給諸將曰：「吾素識愷等，其首皆贗，卽斬傳首者而藏其首。」他日結芻續體，斂而祭之。後官刑部尚書，以直不容于盧杞。未幾，李希烈反，杞建議遣真卿往諭，遂遇害。遠近聞者皆爲感動。真卿正色立朝，爲當世重人，不敢以姓名稱。竝曰：魯公善正草書，筆力遒古，世傳寶之。

盧坦

坦爲河南尉時，杜黃裳爲尹，召坦諭曰：「某巨室子，與惡人遊，破產盡，索之。」坦曰：「凡居官廉，雖大臣無厚蓄，其能積財者，必剝下致之。」如子孫善守，是天富不道之家，不若恣其不道，以歸于人也。黃裳驚異其語，坦後累著績。



歷東川節度使

盧公

德宗時綸嘗以才高被名帝有作輒使賈和與吉中孚韓翊錢起司空曙苗發峒耿漳夏侯審李端皆以能詩號大曆十才子

憲宗郭旨

后歷敬宗文宗武宗武宗喜畋遊角武藝五坊小兒得出入禁中一日問后起居從容請曰如何可爲盛天子后曰審覽諫臣章疏度可用用之有不可以詢宰相毋詎直言毋納偏言以忠良爲腹心此盛天子也帝再拜還索閱諫章自是畋幸稍稀小兒輩不敢復橫

李吉甫

吉甫明練典故有相才白德宗以來朝廷專務姑息藩鎮有終身不易地者吉甫作相歲餘凡易三十六鎮又嘗奏罷冗官八百員吏干四百員歲省供億鉅萬平劉闢平李錡大半皆其謀也初政事堂會食有巨牀相傳不可徙徙則宰相輒罷吉甫笑曰豈有一牀而能制宰相禍福者竟撤新之前卒之一歲焚惑掩太微上相吉

唐書

四

魏文會

甫曰天且殺我再遜位不許尋卒

李光顏

韓弘素驕蹇挾蔡賊以自重惡光顏忠力思有以撓之乃飾名姝教之歌樂六博子以遣光顏使致辭曰以君暴露久恭進侍者慰君征行之勤光顏乃約旦日置酒大會諸將校引使者以侍姝人秀曼都雅一軍驚豔光顏徐曰我久去家室以爲公憂誠知公念重然戰士皆棄妻子蹈白刃吾何心獨樂爲我謝公朝廷于光顏恩厚誓不與賊俱生吾有死無二因嗚咽泣下厚賂使者而還之未幾破賊五溝李愬自是得乘虛入

李愬

愬之平蔡也元濟兵尙餘二萬愬不戮一人其爲賊執事帳內如厨廐廝役之類皆悉用其舊而身振旅鞠場以俟裴度度旣至愬以橐韃見度將避之愬曰此方廢上下分久矣請受之示以分度乃以宰相禮愛愬謂蔡人爲之聳動始晟之克復長安也市不易肆而愬平蔡亦如之功名之奇爲近世所未有愬性儉樸絕不事華侈所居惟父時故宅而愬弟隨順虛帝恨元友成之



曰家聲在人若示衰薄何以見忠功之效吾故欲誇而勸之也聽好方書擇其驗者題于帷帟牆壁間皆滿愬李晟子晟十五子愬最著

韓愈

愈旣貶潮初至問民疾苦具言惡溪有鱷魚食民畜產且盡民是以窮愈乃自往視爲具羊家各一投溪水而祝以文略曰鱷魚其不可與刺史雜處此土也刺史受天子命守此土治此民而鱷魚睥然不安溪潭食民畜產以肥其身以種其子孫與刺史拒爭爲雄長刺史雖駑弱亦安肯爲鱷魚低首下心以爲吏民羞且承天子命來其勢固不得不與鱷魚辨鱷魚有知其聽刺史言潮之州大海在其南鯨鯢之大蟹鰕之細無不容歸鱷魚朝發而夕至也今與鱷魚約盡三日其率醜類悉南徙以避天子之命吏三日不能至五日不能至七日止七日不徙是終不肯徙也是終不有刺史聽從其言也不然則是鱷魚冥頑不靈刺史雖有言不聞不知也夫傲天子之命吏不聽其言冥頑不靈而爲民物害皆可殺刺史則選有才技民操强弓毒矢以與鱷魚從事

必盡殺乃止其毋悔祝之久暴風震電起溪中數日水盡涸西徙六十里自是潮民無鱷魚患

### 李賀

賀字長吉每旦出必騎弱馬從小奚奴背古錦囊遇所得輒書投囊中爲詩未始先立題如他人率合程課者及暮歸足成之母嘗使婢探囊中見所書輒怒曰是兒會須驅出心乃已以父名晉肅終身不肯舉進士韓愈爲作諱辨卒不出

### 韋處厚

敬字荒暗月視朝裁三四處厚每入見輒自陳有罪願前死以謝帝曰何哉對曰臣昔爲諫官不能死諫使先帝因政與色而至不壽于法應誅然所以不死者陛下時在春宮年十有五可恃也今皇子方強祿臣何敢違死下之誅帝頗感悟王庭奏之亂帝每嘆宰相不才而使姦臣跋扈處厚曰陛下有一裴度不能用乃當饋而歎恨無蕭曹此馬唐所爲致慨于頗牧也帝默然

### 柳渾

渾字長廣吳人寶初進士用充南從軍言渾威與士



可百年無虜患。渾進曰：五帝無誓詔，三王無盟詛。盟詛季未事也。況以季未事行于夷狄乎？今日事臣竊憂之。時李晟繼言曰：夷情不測，誠如渾語。帝變色曰：渾生未達邊事。卿爲大臣，亦爾耶？晟頓首謝。夜半，邊書飛報吐蕃劫盟，將校皆覆沒。帝大驚，且以表示渾，謂曰：卿書生，乃能料敵萬里外。

### 陸龜蒙

龜蒙，字魯望，性放逸。舉進士，一不中，輒浪遊蘇湖間。嘗至饒州，三日無所詣。刺史聞，率官屬就見之。龜蒙不樂拂衣去，居松江甫里，多所論撰，不乘馬，喜御舟楫。每設蓬席，資束書、茶、龜筆、牀、釣具往來。時謂江湖散人。或號天隨子。自比涪翁、漁父。江上丈人云：其遠祖積善，仕吳爲鬱林太守，罷歸，無裝，舟輕不能越海，取石爲重。時號鬱林石。

### 秦宗權

宗權起自牙將，乘黃巢之亂，據蔡、宓、荆、襄，破東都，所至千里無燒舍。師行未嘗轉餉。每指鄉聚曰：啖其人可飽。

吾衆官軍追躡獲鹽尸數十車其酷暴殘殺如此已爲  
朱全忠所摧其愛將中叢囚之折其一足憾至汴見全  
忠誓然無怖色曰英雄不兩立天亡僕以資公也臨刑  
猶引頸大呼曰宗權豈反者耶顧輪忠不效耳觀者大  
笑

### 董昌

僖宗時昌爲鎮海節度使旣爲太尉晉封隴西郡王初  
詔書至爲宇償一縑以歸當制者忽復詔曰朝廷負我  
吾奉金帛不貲何惜越王不與我當自取之遂僭大號  
先是吳越間有鳥四目三足其鳴曰羅平天冊昌以爲  
受命之符遂建國號曰大越羅平建元天冊自稱曰聖  
人每下制詔必署名其下或曰帝王無押詔體昌曰不  
親署何由知我爲天子已錢鏐滅之

### 柳玭

玭性介特嘗著勸家訓以戒子孫曰夫門地高者一事  
墜先訓雖生可苟爵位死不可見祖先地下何者門高  
則自驕族盛則人窺嫉實藝懿行人未必信纖瑕微累  
十爭指矣所以修己不得不至爲學不得不堅余少



先公僕射言處世以恭默爲本畏怯爲務肥家以忍  
順保交以簡恭廣記如不及求名如儻來蒞官則潔已  
省事而後可以言家法家法備然後可以言養人直不  
近禍廉不沽名憂與禍不偕潔與富不並董生有云弔  
者在門賀者在閭言憂勤則恐懼恐懼則福至又曰賀  
者在門弔者在閭言受福則驕奢驕奢則禍至故世族  
遠長與命位豐約不假問龜著星數在處心行事而已  
今世人盛言宿業報應曾不思視履考祥夫名門右族  
莫不由祖考忠孝勤儉以成立之莫不由子孫頑率奢  
傲以覆墜之成立之難如登天覆墜之易如燎毛余家  
本以學識禮法稱于士林比喪亂以來門衰祚落基構  
之重屬于後生夫人德行文學爲根株正直剛毅爲柯  
葉有根無葉或可俟時有葉無根膏雨所不能活也至  
于孝慈友弟忠信薦敬乃食之醢醬可一日無哉

平原公主

公主昭宗女帝在鳳翔以主下嫁李茂貞子繼偁后謂  
不可帝曰不爾吾無安身所是日宴內殿茂貞坐帝東  
南主拜殿上繼偁族兄弟皆西向立主徧拜之

楊復恭

復恭本隋諸孫，謂恭帝禪唐，輒名復恭，與其子守亮謀不軌，分布諸子爲州刺史，號外宅郎君，帝頗知謀，罷其兵，出監軍鳳翔，不肯行，巧致仕，詔可，賜几杖。復恭乃遣腹心殺使者，守道與守亮書曰：「承天門，隋家舊物也，見但積粟訓兵，何進奉爲？吾披荆榛立天子，旣得位，便廢定策國老，奈負心門生何？」門生謂天子也。蓋昭宗立，由復恭定策，故云。

韓全誨

全誨，李述黨也。李述旣誅，全誨知不免，乃求麗妹知書者數十人，侍帝左右，爲內訢。及朱全忠兵入，全誨等遂火乞巧樓，劫帝西幸。是時帝與后相視泣，都民崩沸，長樂門外若丘墟。然帝入鳳翔，全忠兵至，晝夜攻城，外兵詬守者曰：「劫天子賊，守者誦外兵曰：『奪天子賊，攻漸急。』」全誨等食不能提，七垂頭喪氣。于是帝令先去四太忠，以衛士十人取一首，俄而全誨、張彥弘等皆傳誦全忠人，又捕殺中官七十人，又誅第五可範等八百人於內侍省。時哀號之聲徹道路。



藩鎮

王庭湊

庭湊嘗使至河陽醉寢于路有過其所者視之曰非常人也從者以告庭湊馳及之問故曰吾見君鼻之息左若龍右若虎子孫當王百年家有大樹覆及堂公興矣後無不驗

朱泚

泚既敗出奔失道問于野人野人曰朱太尉耶荅曰漢皇帝野人曰天綱恢恢走將安往泚怒欲殺之乃亡去已至涇州田希鑒拒不納泚曰子之節吾所授奈何拒我因火其門希鑒從城上擲節投餚中曰還汝節已走彭原墮窖中見殺

朱滔

建中三年滔與王武俊田悅李納約爲連衡如七國故事以拒朝命遂于冬十月庚申築壇祀天各偕爲王滔爲盟主是日三叛軍上有雲氣頗異馬燧望笑曰是雲無知乃爲賊瑞耶先是其地忽高三尺後二年滔等冊還正值其所

李全忠

全忠之室有蘆生焉一只三節張建曰蘆茅類生子羅分茅之兆也傳節者其三世乎光啓中全忠拜節度使子庄威臣等繼之

劉元佐

德宗時汴有相國寺忽傳佛軀流汗時元佐爲節度使即親往大施金帛于是將吏商賈奔走輸金錢者恐後積十日元佐勅止籍所入得巨萬因以贍軍其權誦類如此

吳元濟

自吳少誠盜有蔡四十年兵驕無所憚內恃跋扈重阻故令天下兵攻之三年纔克三縣帝命裴度爲行營招撫使李愬以精騎夜襲蔡執元濟獻廟社狗于市斬之帝美度功命韓愈爲平淮西碑愈以元濟之平多歸功德而愬特以入蔡功居第一愬妻唐安公主女也出入禁中訪愈文不實帝亦重焉武臣意詔斷其文更命學士段文昌爲之



唐外國

突厥

貞觀中，頡利被禽至京，不室處，每設穹廬廷中，久之，鬱鬱不自得，恒與家人悲歌相泣下，狀羸瘠。帝憐之，以號州負山，多麋鹿，有射獵之樂，拜爲刺史，辭不往。尋死，其子疊羅支有至性，諸婦得品供羅支，母以後至不得給，羅支遂不敢嘗品肉。帝聞，嘆曰：「天生仁孝，詎限華夷哉！」遂厚給其母。頡利死，其臣以死殉者，曰渾邪，曰蘇尼失，帝異之，命葬頡利冢旁。

骨利幹

骨利幹處瀚海北，草多百合，掇其根以飯，產良馬，首似橐駝，口中馳數百里，其地北距海，又北渡海，則晝長夜短，日入烹羊脾熟，東方已明，蓋近日出處云。貞觀中，大酋侯斤獻馬，帝取異者，號十驥，有騰霜白、皎雪驄、凝露驄、縣光驄、決波驄、飛霞驄、發電赤流金驄、翔麟紫奔虹赤諸美名。

渤海

渤海本附高麗其國東南瀕海日本道也南海新羅道也鴨綠朝貢道也長嶺營州道也扶餘契丹道也俗謂王曰可毒夫曰聖王曰基下王之父曰老長子曰副王俗所貴者有太白山之菟南海之昆布柵城之豉扶餘之鹿鄭顗之豕率賓之馬顯州之布沃州之綿龍州之紬盧城之稻湄沱河之鯽果有九都之李樂遊之梨

高麗

高宗時蓋蘇文死子男生嗣帝遣李勣薛仁貴等討之時侍御史賈言忠自軍中計事還帝問狀對曰必克諺云軍無媒中道回今男生兄弟鬩狠爲我鄉黨虜情僞我盡知之故必克且高麗秘記曰不及九百年常有八十大將滅之高氏自漢有國今九百年而李勣年八十是行不再舉矣未幾果滅之收其城百七十六

新羅

貞觀五年新羅獻女樂二太宗曰比林邑獻鸛鵒一言思卿乞還況于人乎付使者歸之永徽初國王織錦爲頌帝美其意褒詔答之



永徽初、國王孝德獻琥珀大如斗、瑪瑙如五升器、連中  
初、使者與人與能獻方物、與人盡因官而氏者也、與能  
善書、其紙似繭而澤、人莫之識、是時又有蝦蟇人朝貢  
蝦蟇亦居海島中、其使者鬚長四尺許、

### 高昌

高祖時、高昌遣使獻狗、高六寸、長尺、能曳馬銜燭、云出  
拂菻、中國之有拂菻狗、自此始、貞觀中、朝貢不至、上命  
侯君集等討滅之、俘其君智盛、盛弟智湛、有子昭、好學  
書、見諸異書者、其母輒顧、筒中金歎曰、何愛此、不使  
子有異聞乎、以是昭頗工文藝、

### 于闐

于闐有玉河、國人取玉、每視月光盛處、即得美玉、西有  
沙磧、鼠大如蝟、色類金、出入羣鼠為從、

### 天竺

天竺有五、分東西南北中、而中天竺、在四天竺之會、其  
畜有稍割牛、相傳飲其血者、壽五百歲、牛壽如之、率十  
日一割、國有文字、善步曆學、尚浮屠法、國中處處指曰  
佛故跡也、真觀中、浮屠元奘至其國、國王尸羅逸多見

謂曰而國有聖人出作秦王破陳樂試爲我言其爲人  
元英祖言太宗英武狀王喜曰我當東面朝之因遣使  
者上書闕下帝遣使慰撫王驚問國人口自古亦有摩  
訶震旦使者至吾國乎皆曰無有王乃出迎膜拜受詔  
已復遣使獻火珠鬱金菩提樹開元中獻五色雀言鳥

拂菻

拂菻卽大秦也居西海上有珊瑚洲洲人乘大船墮鐵  
網于水底珊瑚初生磐石上如茵一歲而黃三歲赤枝  
格交錯高三四尺鐵發其根系網舶上絞而出之失時  
不取卽腐

大食

大食男子鼻高黑而鬚女子白皙出則障面日五拜天  
神見王則不拜銀帶佩銀刀歲獻貴人蒲萄大者如雞  
卵有千里馬相傳爲龍種云開元中遣使獻馬銀帶謁  
見不拜有司詰之辭曰國人止拜天見王無拜也自司  
切責乃拜其國有二種一曰黑衣大食貞元中遣使來  
朝傳言其國西南二千里有木生花如人首然與語則  
笑笑則落



南詔

南詔一曰六詔夷人謂王爲詔六帥各治一區故名六詔貞元中南詔酋異年華遣使獻鐸鞘浪劍鬱办生金瑟瑟琥珀牛黃等物鐸鞘者狀如殘刃有孔旁達出麗水鐸以金所擊無不洞夷人尤寶愛月以血祭之鬱办鑄時以毒藥并冶取迴躍如星者凡十年乃成淬以馬血以金犀飾鐸首傷人卽死浪人所鑄故亦曰浪劍王所佩蓋已七世云

訶陵

上元間國人推女子爲王號悉莫威令極嚴峻道不舉遺大食若聞之齎金一囊置其郊行人輒避如是三年太子過以足躪金悉莫怒將斬之羣臣因請悉莫曰而罪實本于足可斷足羣臣又固請卒斷指以殉大食聞而畏之不敢加兵有二屬國曰曇陵曰陀浪貞觀時貢白鸚鵡首生十丹毛齊于翅又有道明國人無衣服見衣服者則笑之

驃

驃古朱波也其屬國十八有江支流凡三百六十土熱

王居金爲甕厨覆以銀瓦，爨以香木，堂飾明珠，有二池以金爲隄，舟楫皆飾金寶，其浮圖鈴錫爲瓦，荔支爲材。又有百寺，民七歲祝髮入寺，至二十而不達其法，乃復爲民。國有巨白象，高百尺，訟者焚香跪其前，自思是非而退。國有灾疫，王亦焚香對象，跪自咎。又有姑蔑國，婦人總髮爲角，以辨夫之多少。貞元中，吐蕃數侵，勿鄧其大鬼主乞援于韋臯，臯遣將苴那時、太波之青海斬其將乞藏遮遮等，遮遮尙結贊子也。以尸還，其部下百餘人行哭，使一人立尸左，一人問之，曰：「瘡痛乎？」曰：「然。」卽傳藥。又問欲食乎？曰：「然。」卽進食。又問欲衣乎？曰：「然。」卽進裘。又問欲歸乎？曰：「然。」卽以馬載尸而去。勿鄧亦驃靁也。南蠻有繡腳種，刻踝至腓爲文，繡面種，生踰月，涅黛於面，雕題種，身面涅黛，穿鼻種，以金銀環徑八貫，其鼻下垂過頤。君長以絲係銀人牽乃行，其次以二花頭金釘貫鼻，下出長繫種，俛鋒種，皆額前爲長髻，下垂過臍，行以物舉之。君長則二女在前，共舉其髻乃行。飛頂獠頭欲飛，周項有痕如縷，妻子共守之。



吐蕃本西羌屬居析支水君長曰贊普曰論贊曰弄贊  
貞觀中遣使齎幣求昏許之妻以宗女文成公主長隱  
中遣使來乞盟詔遣大理寺劉元鼎就盟其國踰成紀  
抵河廣武梁故時城郭未燼蘭州地皆杭稻桃李榆柳  
岑蔚戶皆營人見使者摩蓋夾道觀至龍支城耆老千  
人拜且泣問天子安否自言頃從軍沒于此今子孫未  
忍忘唐服朝廷尚念之乎兵何日來言已皆嗚咽問之  
豐州人也

### 環王

環王卽林邑也國之南有銅柱五相傳漢馬援所植援  
之還也甯者才十戶至隋末繁衍至三百皆姓馬遂號  
馬甯人其國以二月爲歲首檳榔潘爲酒椰葉爲席貞  
觀中獻五色鸚鵡白鸚鵡數祈寒乃詔還之自交州渡  
海歷赤土丹丹諸國多火珠大如雞卵圓白光照數尺  
日中以艾籍珠輒火有舍利鳥能通人言其隣有扶南  
國生剛金狀類紫石英生水底石上入沒水取之可以  
刻玉扣以殷角乃泮







